

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**S DVADESETTREĆE SJEDNICE GRADSKOG VIJEĆA TUZLA ODRŽANE 17. JUNA  
2016. GODINE U MALOJ SALI BOSANSKOG KULTURNOG CENTRA S POČETKOM  
U 9,30 SATI**

**- SJEDNICI PRISUSTVUJE 29 VIJEĆNIKA**

**U Tuzli, juni 2016. godine**

## **JOZO NIŠANDŽIĆ – predsjedavajući Gradskog vijeća Tuzla**

Poštovani vijećnici, poštovani predstavnici izvršne vlasti, obrađivači materijala, predstavnici boračkih i nevladinih organizacija, članovi savjeta mjesnih zajednica predstavnici sredstava javnog informisanja, dragi gosti, dame i gospodo.

Otvaram 23. redovnu sjednicu Gradskog vijeća Grada Tuzla.

Konstatujem, da prema evidenciji Stručne službe Vijeća, sjednici prisustvuje 29 od ukupnog broja vijećnika, što je dovoljno za punovažan rad i odlučivanje.

Za današnju sjednicu svoj izostanak je najavila gospođa Jasminka Mijatović, pa ja predlažem da joj opravdamo odsustvo. Nije niko najavio kašnjenje.

Obavještavam vijećnike da su stenogram i skraćena verzija zapisnika s 22. redovne sjednice Gradskog vijeća Tuzla održane dana 31. 5. 2016. godine jošu izradi, iz razloga što su materijali za današnju sjednicu morali biti poslani već 10. 6. 2016. godine zbog potrebe ranog zakazivanja sjednice.

Stoga ćemo stenogram i skraćenu verziju zapisnika s 22. redovne sjednice Gradskog vijeća Tuzla održane dana 31. 5. 2016. godine usvajati sa stenogramom i skraćenom verzijom zapisnika sa današnje 23. redovne sjednice, pa vas molim da ovo uvažite.

Za današnju sjednicu predlažem dnevni red kako ste dobili u Pozivu za ovu sjednicu:

### **DNEVNI RED**

#### **1. VIJEĆNIČKA PITANJA**

#### **2. RAZMATRANJE I USVAJANJE:**

**a) ODLUKE O USPOSTAVLJANJU PRAVA LIČNE SLUŽNOSTI-PRAVA STANOVANJA NA STANU U VLASNIŠTVU GRADA TUZLA (PORODICA POGINULOG DOBITNIKA RATNOG PRIZNANJA „ZLATNI LJILJAN“- ADŽAJLIĆ BIME, LOKACIJA U TUZLI, M. M. DIZDARA 32.)**

**b) ODLUKE O USPOSTAVLJANJU PRAVA LIČNE SLUŽNOSTI-PRAVA STANOVANJA NA STANU U VLASNIŠTVU GRADA TUZLA (PORODICA RVI SA OŠTEĆENJEM ORGANIZMA OD 100% II GRUPE - NUKIĆ KADIRE, LOKACIJA U TUZLI, M. KRLEŽE 11.)**

**3. RAZMATRANJE I USVAJANJE ODLUKE O IZMJENAMA I DOPUNAMA ODLUKE O USLOVIMA, DRŽANJU I NAČINU POSTUPANJA SA DOMAĆIM ŽIVOTINJAMA, KUĆNIM LJUBIMCIMA I NEZBRINUTIM ŽIVOTINJAMA**

**4. RAZMATRANJE I USVAJANJE ODLUKE O IZMJENAMA I DOPUNAMA ODLUKE O KOMUNALNOM REDU**

#### **5. RAZMATRANJE I USVAJANJE :**

**a) REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI**

**b) ODLUKE O USVAJANJU REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI**

**c) ODLUKE O PROVOĐENJU REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI**

**6. RAZMATRANJE INFORMACIJE O REALIZACIJI PROGRAMA KORIŠTENJA SREDSTAVA ZA PODRŠKU PROJEKATA IZ OBLASTI PODUZETNIŠTVA ZA 2015. GODINU**

**7. KADROVSKA PITANJA**

**8. RASPRAVA O POSLANIČKOJ INICIJATIVI ZA IZMJENE I DOPUNE ZAKONA O POREZU NA PROMET NEPOKRETNOSTI I PRAVA TUZLANSKOG KANTONA**

**9. TEKUCA PITANJA**

a) Obavještenje Službe za razvoj, poduzetništvo i društvene djelatnosti o razlozima prolongiranja izrade Izvještaja o radu i poslovanju javnih preduzeća i javnih ustanova

b) Obavještenje JKP „Komunalac“ Tuzla o razlozima prolongiranja izrade Izvještaja o radu i poslovanju za 2015. godinu

c) Inicijativa za uspostavljanje autobuske linije prema Koscima i Tetimi

d) Inicijativa za izmjenu Zakona o ugostiteljskoj djelatnosti Federacije Bosne i Hercegovine („Službene novine Federacije Bosne i Hercegovine“, broj 32/09.)

e) Inicijativa Upravne organizacije Zavod za urbanizam Tuzla i nadležnim službama u vezi mogućeg preuređenja centralnog dijela kompleksa Slana banja uz inicijativu za izradu protokola polaganja vijenaca

f) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Odluke o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području grada Tuzla

g) Obavještenje JP „Tržnice-pijace“ d.o.o. za usluge i trgovinu Tuzla o razlozima prolongiranja izrade Izvještaja o radu i poslovanju za 2015. godinu

Obavještavam klubove vijećnika da su prijedloge za naknadno uvrštavanje hitnih i neodložnih pitanja, dopuna dnevnog reda, mogli podnijeti u pismenoj formi najkasnije 48 sati prije održavanja ove sjednice.

Kolegij Gradskog vijeća Tuzla održao je svoju sjednicu, neposredno pred početak ove 23. redovne sjednice Gradskog vijeća Tuzla i konstatovao da su u poslovničkom roku stigli slijedeći prijedlozi i izmjene za dopunu dnevnog reda.

Pod jedan. Klub vijećnika Stranke demokratske akcije je predložio da se u dnevni red današnje redovne sjednice uvrsti tačka pod nazivom, urgencija za hitno saniranje vertikalne signalizacije javne rasvjete i znakova u mjesnoj zajednici Kreka, ulica Mitra Trifunovića Uče i Husinskih rudara (od semafora kod BKC do Guminga).

Predlažem da ovaj materijal razmatra se pod tačkom 9. Tekuća pitanja podtačka h). Pitam ko je za ovaj prijedlog, molim da digne ruku? ko je

Predlažem da ovaj materijal razmatra se pod tačkom 9. Tekuća pitanja podtačka h). Pitam ko je za ovaj prijedlog, molim da digne ruku? (28) Ima li neko protiv? (Nema.) Uzdržan? (Nema.)

Konstatujem da je jednoglasno prihvaćen prijedlog za uvrštavanje inicijative 28 vijećnika je glasalo za, nema niko protiv, nema suzdržan, te će ova inicijativa biti uvrštena u dnevni red današnje sjednice Gradskog vijeća Tuzla pod tačkom devet, Tekuća pitanja kao podtačka h).

Pod dva. Kolegij Gradskog vijeća Tuzla predlaže da se sa dnevnog reda skine tačka 4. ODLUKA O IZMJENAMA I DOPUNAMA ODLUKE O KOMUNALNOM REDU, uz zaključak da Služba za inspeksijske poslove formira radnu grupu koja će do naredne sjednice

Gradskog vijeća, kada će se ponovo razmatrati citirana odluka, razmotriti prijedlog i pitanja o kojima se raspravljalo na sjednici Kolegija Gradskog vijeća održanog dana 17. 6. 2016. godine.

Pitam ko je za ovakav prijedlog, molim da digne ruku? (27) Ima li neko protiv? (1) Uzdržan? (Nema.)

27 vijećnika je glasalo za, protiv jedan, suzdržan nema, što znači da je prihvaćen, odnosno usvojen prijedlog Kolegija, te je ODLUKA O IZMJENAMA I DOPUNAMA ODLUKE O KOMUNALNOM REDU skinuta s prijedloga dnevnog reda današnje sjednice Gradskog vijeća Tuzla.

Sad ćemo pristupiti izjašnjavanju o cjelokupnom izmijenjenom i dopunjenom dnevnom redu. Pitam ko je za usvajanje cjelokupnog izmijenjenog i dopunjenog dnevnog reda u cjelini, molim da digne ruku? (28) Ima li neko protiv? (Nema.) Uzdržan? (Nema.)

Konstatujem da je jednoglasno usvojen u cjelosti, prijedlog Dnevnog reda današnje sjednice Gradskog vijeća Tuzla, 28 vijećnika je glasalo za, nema niko protiv, nema suzdržan i to:

## **D N E V N I R E D**

### **1. VIJEĆNIČKA PITANJA**

**2.a) ODLUKA O USPOSTAVLJANJU PRAVA LIČNE SLUŽNOSTI-PRAVA STANOVANJA NA STANU U VLASNIŠTVU GRADA TUZLA (PORODICA POGINULOG DOBITNIKA RATNOG PRIZNANJA „ZLATNI LJILJAN“- ADŽAJLIĆ BIME, LOKACIJA U TUZLI, M. M. DIZDARA 32.)**

**b) ODLUKA O USPOSTAVLJANJU PRAVA LIČNE SLUŽNOSTI-PRAVA STANOVANJA NA STANU U VLASNIŠTVU GRADA TUZLA (PORODICA RVI SA OŠTEĆENJEM ORGANIZMA OD 100% II GRUPE - NUKIĆ KADIRE, LOKACIJA U TUZLI, M. KRLEŽE 11.)**

**3. ODLUKA O IZMJENAMA I DOPUNAMA ODLUKE O USLOVIMA, DRŽANJU I NAČINU POSTUPANJA SA DOMAĆIM ŽIVOTINJAMA, KUĆNIM LJUBIMCIMA I NEZBRINUTIM ŽIVOTINJAMA**

**4. a) REGULACIONI PLAN NEREALIZIRANOG DIJELA PROSTORNE CJELINE „PECARA 2“ U TUZLI**

**b) ODLUKA O USVAJANJU REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI**

**c) ODLUKA O PROVOĐENJU REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI**

**5. INFORMACIJA O REALIZACIJI PROGRAMA KORIŠTENJA SREDSTAVA ZA PODRŠKU PROJEKATA IZ OBLASTI PODUZETNIŠTVA ZA 2015. GODINU**

### **6. KADROVSKA PITANJA**

**7. RASPRAVA O POSLANIČKOJ INICIJATIVI ZA IZMJENE I DOPUNE ZAKONA O POREZU NA PROMET NEPOKRETNOSTI I PRAVA TUZLANSKOG KANTONA**

### **8. TEKUĆA PITANJA**

**a) Obavještenje Službe za razvoj, poduzetništvo i društvene djelatnosti o razlozima prolongiranja izrade Izvještaja o radu i poslovanju javnih preduzeća i javnih ustanova**

- b) Obavještenje JKP „Komunalac“ Tuzla o razlozima prolongiranja izrade Izvještaja o radu i poslovanju za 2015. godinu
- c) Inicijativa za uspostavljanje autobuske linije prema Koscima i Tetimi
- d) Inicijativa za izmjenu Zakona o ugostiteljskoj djelatnosti Federacije Bosne i Hercegovine („Službene novine Federacije Bosne i Hercegovine“, broj 32/09.)
- e) Inicijativa Upravne organizacije Zavod za urbanizam Tuzla i nadležnim službama u vezi mogućeg preuređenja centralnog dijela kompleksa Slana banja uz inicijativu za izradu protokola polaganja vijenaca
- f) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Odluke o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području grada Tuzla
- g) Obavještenje JP „Tržnice-pijace“ d.o.o. za usluge i trgovinu Tuzla o razlozima prolongiranja izrade Izvještaja o radu i poslovanju za 2015. godinu
- h) Urgencija za hitno saniranje vertikalne signalizacije - javne rasvjete i znakova u mjesnoj zajednici Kreka, ulica Mitra Trifunovića Uče i Husinskih rudara (od semafora kod BKC do Guminga)

Prelazimo na realizaciju Dnevnog reda. Prelazimo na prvu tačku Dnevnog reda:

### **VIJEĆNIČKA PITANJA**

Prva je Dajana Bakić. Izvolite Dajana Bakić, vijećnik Socijaldemokratske partije. Neka se pripremi Elvir Kasumović.

#### **DAJANA BAKIĆ - vijećnik Socijaldemokratske partije**

Hvala. Poštovani predsjedavajući, zamjenice predsjedavajućeg, sekretarko, vijećnice i vijećnici, predstavnice i predstavnici gradskih službi, gošće i gosti, predstavnice i predstavnici medija, sve vas srdačno pozdravljam. Želim nam uspješan rad danas, obzirom da sam prva koja ima priliku govoriti.

Moje vijećničko pitanje je ponovljeno, s obzirom da sam isto postavila u decembru 2014. godine, a ide na Službu za komunalne poslove, izgradnju i poslove mjesnih zajednica Grada Tuzla a glasi.

U kojoj je fazi izgradnja vodovodne mreže u sjevernom dijelu Grada Tuzla s posebnim akcentom na mjesnu zajednicu Gornja Lipnica.

Obrazloženje. Gradsko vijeće Tuzla na jednoj od svojih prethodnih sjednica razmatralo je plan izgradnje vodovodne mreže u gradu Tuzla, koji u svom razvoju podrazumijeva njenu potpunu izgradnju i rješenje problema vodosnabdijevanja u sjevernim, visinskim zonama grada a odnosi se na mjesne zajednice Gornja Lipnica, Obodnica Donja, Obodnica Donja, Breške i Dokanj do 2035. godine.

S obzirom na značaj ovog projekta za sve građane i građanke, neophodno je redovno pratiti tokove realizacije istog. S tim u vezi je i ovo vijećničko pitanje, s posebnim akcentom na mjesnu zajednicu Gornja Lipnica s obzirom na inicijative građana i građanki koje smo dobili u posljednjih nekoliko dana iz ove mjesne zajednice hvala.

## **JOZO NIŠANDŽIĆ**

Hvala. Gospodin Elvir Kasumović, Savez za bolju budućnost. Neka se pripremi gospodin Mirza Tupajić.

### **ELVIR KASUMOVIĆ – vijećnik Saveza za bolju budućnost**

Prije svega, jedan veliki pozdrav svim našim gledaocima, našim dragim Tuzlacima i evo svima prisutnim u sali.

Svim postaćima želim da u ibadetu isposte ovaj mjesec Ramazana.

Za danas sam pripremio jedno vijećničko pitanje i ono je upućeno Službi za komunalne poslove, izgradnju i poslove mjesnih zajednica i Gradonačelniku Grada Tuzle.

Odnosi se na insistiranje građana mjesne zajednice Ši Selo i mjesne zajednice Stupine.

A ono glasi. Po kojoj metodologiji prioriteta se gradi pješački most kod „Panonskih jezera“ a ne obećani most od prije pet, šest godina na južnoj magistrali između mjesne zajednice Ši Selo i mjesne zajednice Stupine?

Građani ove dvije mjesne zajednice su ogorčeni kada su putem sredstava javnog informisanja saznali da će se kod Panonskih jezera graditi pješački most bez ikakvih metodoloških prioriteta, a ne obećani pješački most između ove dvije mjesne zajednice.

Napominju da se na ovoj dionici desio veliki broj saobraćajnih nesreća sa teškim povredama i smrtnim posljedicama, ali su posebno zabrinuti za svoju djecu koja su u nekoliko navrata bili učesnici u ovim nezgodama. Građani nemaju ništa protiv građenja i uljepšavanja grada, ali su ogorčeni što se prilikom prioriteta građenja uzimaju u obzir nečije želje, a ne stvarne potrebe građana.

Na kraju postavljaju pitanje. Do kada ćemo mi ginuti na južnoj saobraćajnici?

## **JOZO NIŠANDŽIĆ**

Gospodin Mirza Tupajić. Izvolite. Tri vijećnička pitanja.

### **MIRZA TUPAJIĆ - vijećnik Stranke demokratske akcije**

Ja bih vas sve pozdravio i poselamio i poželio svim postaćima Ramazan Šerif Mubarek Olsun.

Ja danas imam tri vijećnička pitanja. Gledam nema nam ovde šefa Komunalne, Pomoćnika Gradonačelnika za komunalne poslove Keme Kurevića, na žalost. Dobro.

Prvo vijećničko pitanje znači upućujem Službi za komunalne poslove, izgradnju i poslove mjesnih zajednica.

A ono glasi. Kada će se napokon realizirati projekt uređenja kanalizacione mreže u dijelovima ulica Alije Ibrića, Seada Rahmanovića, Meme Suljetovića, Save Kovačevića, Damira Hadžibeganovića i Fikreta Salihovića od skretanja za mezarje do Đurića mjesna zajednica Solana?

Obrazloženje. Na pomenutim lokalitetima većina otpadnih voda iz domaćinstava teku kroz otvorene kanale zajedno sa površinskim vodama. Prilikom obilnih padavina ta otpadna voda

dolazi do stambenih objekata. Isto tako, u ljetnom periodu kada su izuzetno visoke temperature dolazi do isparavanja raznih gasova neugodnog mirisa i opasnih po zdravlje čovjeka, praćeno sa najezdom komaraca, za koje znamo da su jedan od najvećih prenosilaca zaraznih oboljenja, znači imamo opasnost za pojavu epidemija. U više navrata Gradska uprava i nadležne gradske službe su na upite od strane članova savjeta Mjesne zajednice Solana davali razna obećanja, ali na žalost i dan danas, iako živimo u 21 vijeku, građani nemaju osnovne komunalne uslove za život. Treba istaći olakšavajuću okolnost za rješavanje ovog komunalnog problema, a to je postojanje cijevi kolektora promjera 300 koji vode do sanitarne gradske deponije do sjeverne saobraćajnice, koji se mogu iskoristiti kao glavni vod.

Drugo vijećničko pitanje. Istoj Službi za komunalne poslove, izgradnju i poslove mjesnih zajednica a ono glasi.

Kada će se završiti projekat regulacije korita Moluške rijeke, mjesna zajednica Solana?

Obrazloženje. Svjedoci smo da u posljednjih 15 godina su se desile tri obilne poplave koje su nanijele ogromne štete na privatnim i društvenim objektima. Naime, poplavljeno je više od 70 privatnih stambenih objekata, tri poslovna subjekta, znači tri fabrike, bolnica u Solani, više od 3 hektara poljoprivrednog zemljišta. Problem je još veći zbog toga što se na sjevernoj strani, na većoj nadmorskoj visini od naselja nalazi gradska deponija smeća sa koje dolaze otpadne procjedne vode u Molušku rijeku. Dakle, prilikom poplava dolazi do zagađenja zemljišta raznim hemijskim i mikrobiološki polutantima, kao što su teški metali, patogeni mikroorganizmi i slično. Do sad nije vršena niti jedna hemijska i mikrobiološka analiza tla s ciljem otkrivanja stepena zagađenja zemljišta u pomenutom naselju. Samo je izvršena dezinfekcija stambenih i poslovnih objekata.

I treće vijećničko pitanje istoj Službi. Neko je nešto slično spomenuo, a moram i ja, jer su me građani zvali.

Kada će se napokon započeti izgradnja primarni cjevovoda i objekata sistema vodosnabdijevanja za mjesnu zajednicu Lipnica Gornja?

Obrazloženje. Za ovo vijećničko pitanje suviše je davati bilo kakva obrazloženja, dovoljno je samo istaći da građani ove mjesne zajednice nemaju vodu, a živimo u 21 vijeku. Strašno.

## **JOZO NIŠANDŽIĆ**

Hvala. Gospodin Ivica Kovačević.

## **IVICA KOVAČEVIĆ - vijećnik Hrvatske demokratske zajednice**

Cijenjeni predsjedavajući, zamjenice predsjedavajućeg, sekretaru Gradskog vijeća Tuzla, kolegice, kolege vijećnici, predstavnici izvršne vlasti, gosti, predstavnici medija, sve vas srdačno pozdravljam u ime Kluba HDZ-a Bosne i Hercegovine.

Evo, prije nego postavim ova dva vijećnička pitanja koja sam pripremio za danas, želim svim našim susjedima Muslimanima da se kroz mjesec Ramazana ispune snagom i nadahnućem za buduća dobra djela, te da u miru i ljubavi dočekaju blagdan Bajram.

Danas sam dakle, kao što maloprije rekoh, pripremio dva vijećnička pitanja. Oba su idu prema Službi za komunalne poslove, izgradnju i poslove mjesnih zajednica.

Prvo i oba su vezana dakle za mjesnu zajednicu Ljubače.

Prvo moje vijećničko pitanje glasi, kada će se izvršiti sanacija puta ka naselju Breze? U obrazloženju evo želim navesti kako je posljednja djelomična sanacija izvršena prije četiri godine. U međuvremenu dakle uz navedeni put je izgrađeno 350 novih stambenih objekata itd. itd. tako da je evo sanacija toga puta hitna i nužna.

Drugo vijećničko pitanje, takođe upućeno je Službi za komunalne poslove, izgradnju i poslove mjesnih zajednica i glasi.

Je li dakle nadležna Služba u određenom roku izvršila reklamaciju kod izvođača radova koji je asfaltirao put Prljuga u mjesnoj zajednici Ljubače?

Naime, već četiri mjeseca nakon asvaltiranja ovoga puta pojavili su se određeni nedostaci tako da je put danas u katastrofalnom stanju i vrlo, vrlo teško je uopće i prometovati njime.

Dakle, je li nadležna Služba podnijela određene dakle, poluodređene korake kako bi, prema izvođačima radova i ako nije, zašto nije. Hvala lijepo.

## **JOZO NIŠANDŽIĆ**

Gospodin Edin Haračić, izvolite. Neka se pripremi Ekrem Topić.

## **EDIN HARAČIĆ - vijećnik Stranke demokratske akcije**

Selamim i pozdravljam sve prisutne. Ja imam jedno vijećničko pitanje, ali prije nego ga pročitam, želim ovde javno za govornicom da izkažem nezadovoljstvo dobivenim odgovorom, pred ovu sjednicu na prethodno vijećničko pitanje, odnosno na vijećnička pitanja koja sam postavio na prethodnoj sjednici.

Dakle, na jedno sam samo dobio odgovor od Službe za prostorno uređenje, a pitanje se odnosilo na rješavanje problema neadekvatne saobraćajne signalizacije.

Pomenuta Služba je u odgovoru navela da nije nadležna za rješavanje problematike koja se navodi u obrazloženju. Dalje da ne čitam. Nezadovoljstvo iz razloga što sam ga uputio i ovoj Službi i službi odnosno preduzeću za Saobraćaj i komunikacije.

Razlog nezadovoljstva je zato što znam da je naručilac radova vezano za ovu problematiku, naručilac Grad Tuzla. Prema tome najlakše je odgovoriti da određena služba nije nadležna.

Obzirom da su to službe koje po opisima posla najpreče su da budu uključene u ovaj problem, sad meni kao vijećniku u ime građana koji su insistirali da se aktuelizira ovaj problem, a problem je evidentan, dakle, svjedoci smo da u gradu pješaci imaju izuzetne probleme ovim izmjenama zadnjim i evo aktuelnim upravo ovi dana vidimo na drugim semaforima po gradu se takođe vrše izmjene, kažem prvenstveno na štetu pješaka, ugrožavanju njihovi života, ali i drugi učesnika u saobraćaju.

Iz tog razloga sam imo potrebu da ovo posebno naglasim i da u buduće službe se pobrinu da preuzmu odgovornost za ovaj problem, obzirom kažem da je naručilac Grad Tuzla.

Moje vijećničko pitanje odnosi se ponovo Službi za prostorno uređenje. Glasi. Kada pomenute službe, prvenstveno ova Služba ima namjeru ukloniti improvizovane reklamne panoe na raskrsnici Brčanska Malta?

Obrazloženje. Dugo godina postavljeni reklamni panoi predstavljaju prvenstveno opasnost u saobraćaju iz razloga što velikim dijelom smanjuju preglednost prilaza raskrsnici. Takođe uređenjem vanjskog dijela zgrade i fasade na zgradi 15. maj stekli su se uslovi da se i u



tom smislu pomenuti reklamni panoi izmjesto sa pomenute raskrsnice što bi i u estetskom smislu uljepšalo jedan od najznačajniji dijelova grada. Toliko. Hvala.

## **JOZO NIŠANDŽIĆ**

Gospodin Ekrem Topić. Izvolite. Neka se pripremi gospođa Erna Delić.

## **EKREM TOPIĆ – vijećnik Tuzlanske alternative**

Gospodine predsjedavajući, gospođu predsjedavajuća, kolegice i kolege vijećnici, poštovani gosti, uvaženi mediji, Essellam alejkum i dobar vam dan.

Ja ponavljam vijećničko pitanje sa prošlog zasjedanja Vijeća, a glasi.

Kada će biti završena izgradnja regulacije korita rijeke Jale u Gornjoj Tuzli, a ne u Slavinovićima kako sam dobio odgovor?

Naime, zajedničkim sredstvima sliv rijeke Javnog preduzeća Sliv rijeke Save, Ministarstvo poljoprivrede, vodoprivrede i šumarstva Tuzlanskog kantona i dijelom Općina, u 2006. započeo projekat.

Moje je pitanje kada će biti završena izgradnja kanalizacione mreže u Gornjoj Tuzli? Plavi most – Ambulanta cirka 980 metara. Tako glasi pitanje i tražim odgovor na takvo pitanje.

Drugo pitanje Službi za komunalne poslove, izgradnju i poslove mjesnih zajednica i Javnom komunalnom preduzeću Vodovod i kanalizacija, postavljam pitanje. Kada će biti izgrađena kanalizaciona mreža u mjesnoj zajednici Solina, naselje Pekmezija, a tačnije ulica Veljka Lukića? Građani su skupili prije šest godina cirka, 50, 60.000 maraka do današnjeg dana nije pokrenuto to pitanje.

I moje treće pitanje je. Da li je i kada je izvršen tehnički prijem kanalizacione mreže u Gornjoj Tuzli izgrađen mjesnim samodopinosom 85-te do 90-te godine 1200 građana Gornje Tuzle je pet godina izdvajalo po 5% od plate i gdje ta kanalizaciona mreža završava, u kojem dijelu i da li je izvršen tehnički prijem i ko održava tu kanalizacionu mrežu? Znači moje pitanje Službi za komunalne poslove, izgradnju i poslove mjesnih zajednica i Javnom komunalnom preduzeću Vodovod i kanalizacija. Hvala.

## **JOZO NIŠANDŽIĆ**

Samo malo molim vas, gospodin Haračić je propustio reći uz pitanje, pa da samo dopuni. Izvolite Haračiću.

## **EDIN HARAČIĆ**

Ja se izvinjavam, napravio sam previd samo nisam istakao da ovo vijećničko pitanje se odnosi i Službi za inspeksijske poslove. Pa evo, javnosti radi, obaveza je ove službe da se to evidentira. Hvala.

## **JOZO NIŠANDŽIĆ**

Izvolite. Gospođa Erna Delić.

### **ERNA MEŠIĆ – vijećnik Socijaldemokratske partije**

Pozdravljam sve prisutne. Moje vijećničko pitanje ide Službi za komunalne poslove, izgradnju i poslove mjesnih zajednica i Službi za inspeksijske poslove.

Pitanje glasi. Da li se planira izvršiti saniranje isječenog asfalta u naselju Stupine, Mjesna zajednica Ši Selo?

Obrazloženje. U proteklih nekoliko dana neimenovana firma je na nekoliko lokacija, tačnije ispred svakog bloka u pomenutom naselju iskopala i odnosno prekopala zelene površine, isjekla asfalt ispred zgrada ispred svakog ulaza. Asfalt nije vraćen u prvobitno stanje te ukoliko se isti ne sanira na vrijeme može prouzrokovati velike štete.

Dio koji se odnosi na Službu za inspeksijske poslove glasi, postavljam pitanje. Da li je firma koja je izvodila radove dobila dozvolu za iste, uzimajući u obzir da su na iskopenim dijelovima položili kablove i te da li će u narednom periodu plaćati najam za zauzimanje površina? Hvala.

### **JOZO NIŠANDŽIĆ**

Hvala. S ovim smo vijećnička pitanja. (Predsjedavajući.) Izvolite gospodin Mensur Alić, vijećnik Tuzlanske alternative. Izvolite.

### **MENSUR ALIĆ – vijećnik Tuzlanske alternative**

Pozdravljam sve prisutne. Kratko vijećničko pitanje. Da li su reklamni panoi u čitavom gradu, a imamo sad evo i postavljanje novih iz Banja Luke, pripojeni na električnu energiju koju plaća Gradska uprava? Zahvaljujem.

### **JOZO NIŠANDŽIĆ**

Hvala. Gospodin Sabahudin Imamović. Izvolite.

### **SABAHUDIN IMAMOVIĆ - vijećnik Stranke demokratske akcije**

S obzirom da ne dobijam odgovore na vijećnička pitanja nema smisla da postavljam nova. Dakle, ponovo želim da izrazim nezadovoljstvo i protest što nisam dobio odgovor na moja dva vijećnička pitanja koja sam uputio Gradonačelniku, a koja su se odnosila na zbrinjavanje radnika Direkcije za izgradnju. Dakle, šta je preduzela na zbrinjavanju tih radnika?

Drugo pitanje je bilo. Ko će odgovarati za promašenu investiciju u naselju Kiseljak gdje je uloženo 117.000 maraka u izvorište mineralne vode, da bi se na kraju utvrdilo da je izvorište napravljeno na tuđoj zemlji?

Naravno odgovore ne mogu dobiti jer Gradonačelnik izbjegava da dođe na Gradsko vijeće. Ja ne znam gdje je on? Je li živ i zdrav?

Tako da ću postaviti vijećničko pitanje. Gdje je gradonačelnik? Dakle, ja kao vijećnik sam zabrinut za njegovo stanje zdravstveno i svo ostalo i zaista bi volio da dobijem odgovor gdje je gradonačelnik? I vidim zalazi tamo u neka područja gdje nikad nije zalazio. Bojim se da ne zađe u minsko polje itd.

Mislim da je ovo jako neodgovorno i ja ga pozivam da na dostojanstven način okonča svoj, nadam se, posljednji mandat. Da dolazi na Gradsko vijeće jer nam je dužan neke odgovore, a mi iz opozicije evo poručujemo da mu nećemo ništa. Hvala.

## **JOZO NIŠANDŽIĆ**

Završavamo s Vijećničkim pitanjima.  
Prelazimo na drugu tačku Dnevnog reda:

**a) ODLUKA O USPOSTAVLJANJU PRAVA LIČNE SLUŽNOSTI-PRAVA STANOVANJA NA STANU U VLASNIŠTVU GRADA TUZLA (PORODICA POGINULOG DOBITNIKA RATNOG PRIZNANJA „ZLATNI LJILJAN“- ADŽAJLIĆ BIME, LOKACIJA U TUZLI, M. M. DIZDARA 32.)**

**b) ODLUKA O USPOSTAVLJANJU PRAVA LIČNE SLUŽNOSTI-PRAVA STANOVANJA NA STANU U VLASNIŠTVU GRADA TUZLA (PORODICA RVI SA OŠTEĆENJEM ORGANIZMA OD 100% II GRUPE - NUKIĆ KADIRE, LOKACIJA U TUZLI, M. KRLEŽE 11.)**

Obrađivač je Služba za boračko-invalidsku zaštitu, stambene poslove i integraciju raseljenih lica.

Predlagač je Gradonačelnik Grada Tuzla.

Materijal su razmatrali Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za poduzetništvo i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. (Nema.) Zaključujem raspravu klubova. Otvaram raspravu vijećnika. (Nema.) Zaključujem i raspravu vijećnika.

Što znači. Molim vas, ko je za a) ODLUKU O USPOSTAVLJANJU PRAVA LIČNE SLUŽNOSTI-PRAVA STANOVANJA NA STANU U VLASNIŠTVU GRADA TUZLA (PORODICA POGINULOG DOBITNIKA RATNOG PRIZNANJA „ZLATNI LJILJAN“- ADŽAJLIĆ BIME, LOKACIJA U TUZLI, M. M. DIZDARA 32.), molim da digne ruku?

(26) Ima li neko protiv? (Nema.) Uzdržan? (Nema.)

Konstatujem da je jednoglasno usvojena a) ODLUKA O USPOSTAVLJANJU PRAVA LIČNE SLUŽNOSTI-PRAVA STANOVANJA NA STANU U VLASNIŠTVU GRADA TUZLA (PORODICA POGINULOG DOBITNIKA RATNOG PRIZNANJA „ZLATNI LJILJAN“- ADŽAJLIĆ BIME, LOKACIJA U TUZLI, M. M. DIZDARA 32.), naime 26 vijećnika glasalo je za, nema niko protiv, nema suzdržan.

Molim vas, ko je za b) ODLUKU O USPOSTAVLJANJU PRAVA LIČNE SLUŽNOSTI-PRAVA STANOVANJA NA STANU U VLASNIŠTVU GRADA TUZLA (PORODICA RVI SA OŠTEĆENJEM ORGANIZMA OD 100% II GRUPE - NUKIĆ KADIRE, LOKACIJA U TUZLI, M. KRLEŽE 11.), molim da digne ruku? (28) Ima li neko protiv? (Nema.) Uzdržan? (Nema.)

Konstatujem da je jednoglasno usvojena b) ODLUKA O USPOSTAVLJANJU PRAVA LIČNE SLUŽNOSTI-PRAVA STANOVANJA NA STANU U VLASNIŠTVU GRADA TUZLA (PORODICA RVI SA OŠTEĆENJEM ORGANIZMA OD 100% II GRUPE - NUKIĆ KADIRE, LOKACIJA U TUZLI, M. KRLEŽE 11.), naime 28 vijećnika glasalo je za, nema niko protiv, nema suzdržan.

Prelazimo na treću tačku Dnevnog reda:

### **ODLUKA O IZMJENAMA I DOPUNAMA ODLUKE O USLOVIMA, DRŽANJU I NAČINU POSTUPANJA SA DOMAĆIM ŽIVOTINJAMA, KUĆNIM LJUBIMCIMA I NEZBRINUTIM ŽIVOTINJAMA**

Obrađivač je Služba za komunalne poslove, izgradnju i pitanja mjesnih zajednica.

Predlagač je Gradonačelnik Grada Tuzla.

Materijal su razmatrali Komisija za statutarna pitanja i propise, Komisija za ekonomske odnose, Komisija za komunalna pitanja i pitanja mjesnih zajednica, Komisija za mlade, obrazovanje i sport i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. (Nema.) Zaključujem raspravu klubova. Otvaram raspravu vijećnika. Ima gospodin Haračić, vijećnik Stranke demokratske akcije.

### **EDIN HARAČIĆ**

Ja nemam primjedbe na izmjene i dopune ODLUKE O IZMJENAMA I DOPUNAMA ODLUKE O USLOVIMA, DRŽANJU I NAČINU POSTUPANJA SA DOMAĆIM ŽIVOTINJAMA, KUĆNIM LJUBIMCIMA I NEZBRINUTIM ŽIVOTINJAMA i ovo što se ustanovilo da je potrebno izmijeniti i uskladiti, ali imam generalno primjedbu na sprovođenje ove odluke.

Dakle, evo sinoć sam imo priliku da prisustvujem opet jednoj nemiljoj sceni. Dakle, određeni broj momaka u centru grada je na jednom dugom lancu, bez brnjice dakle, bez korpe pit bula vodili. I to ne samo u toj situaciji nego je i ranije bilo slučajeva kada sam mogao vidjeti da mlada djevojka ne može da vlada tom vrstom psa. Iz tog razloga samo bi u obavezu službama, posebno Inspekcijskoj službi, ali i svima onima kojima smo ovom odlukom predvidjeli da uspostave red, da se poveća kontrola sprovođenja ove odluke koju smo mi donijeli.

Obzirom da u gradu još uvijek nije zaživjela na pravi način odluka naša je intencija bila da njom u što većem broju riješimo probleme, a posebno načina držanja pasa i svega tog što podrazumijeva.

Isto tako zbog povećane pojave pasa lualica u školskim dvorištima gdje takođe je potencijalna opasnost od ujeda, posebno kad su u pitanju djeca manjeg uzrasta.

Tako da evo apeliram ponovo na nadležne službe da izvrše češću i povećanu kontrolu sprovođenja ove odluke. Toliko.

## **JOZO NIŠANDŽIĆ**

Hvala. Gospodin Mensur Alić. A neka se pripremi gospodin Mirnes Ajanović.

## **MENSUR ALIĆ**

Takođe ovo što je Mirza govorio nemam ništa primjedbe na ovu odluku, ali imam. (NADA MLADINA – Edin.) Ja. Ali imam nešto reći što mi donosimo ovde komunalne odluke, ali na žalost one se uopšte ne sprovode.

Vi uzmite samo šetalište Slana Banja, izađite naveče u sedam, osam sati i vidjet ćete gore samo se dolazi s autom i ispuštaju se ljubimci kućni, mali, veliki, nema više pravila koliko, šta, a gore šetaju i djeca i stariji ljudi i sve ostalo. Nema uopšte onoga da primjenjuju po Odluci koju smo donijeli o kućnim ljubimcima. Prema tome, meni treba, treba nam jedna informacija da se dostavi šta rade komunalni redari?

Oni postoje. Da li uopšte ima ikakva prijava do sad? Da li je neko kažnjen zbog toga po ovoj Odluci? Da dobijemo jednu kompletnu informaciju oko toga.

Jer ono gore što se dešava, mislim da može doći do zarazni bolesti, pogotovo djece, zato što djeca ne šetaju samo trotoarom, nego idu po travi, po svemu, a gore je, evo da vam kažem, ko izlazi naveče neka pogleda malo šta se, šta se dešava.

Na stotine, na stotine kućnih ljubimaca je pušteno, pušteno gore da hodaju bez ičega. Samo dođe s autom, otvori gepek, ispusti, pod ruku djevojku ili suprugu i ode da šeta, a ker je otišo tamo 300, 400 metara.

Mislim da ovde mora se malo više poduzeti i neka radi svako svoj poso. Imamo komunalne redare, ja ne znam koliko ima. Primaju plaću, imaju li ikakve prijave oko toga? I upravo ono o čemu sam govorio da treba ići u izmjenu zakona federalni da se treba uvesti komunalna policija, kao što postoji u Republici Srpskoj gdje su drastične kazne i rade ljudi svoj poso.

Nemojmo samo donositi odluke ovde da je digli ruke, donesemo odluku, a da od tih odluka ništa se ne sprovodi. Hvala lijepo.

## **JOZO NIŠANDŽIĆ**

Hvala. Gospodin Ajanović Mirnes. Bosanska stranka.

## **MIRNES AJANOVIĆ - vijećnik Bosanske stranke**

Ja ću ipak o Dnevnom redu. Kako je propisano u odluci, a kasnije možda nešto i dodati. Imam primjedbu na odluku. Prvo sam gledajući materijal, pozdrav svima, prije svega, gledajući materijal rekao da je dobra odluka. Lijepo je to napravljeno.

Imaju članovi koji se mijenjaju, pa onda obrazloženje, dosta dobro obrazloženo i u prilogu teksta odluke iz aprila 2014-te i onda nekako, iako smo mi to tražili i moj prijedlog je i zaključak Vijeća da uz odluke koje mijenjamo dobijemo i tekst odluke koji se mijenja.

I onda naiđem na nešto i vidim, što se nikad do sad nije desilo, nikad ovo evo dugo sam parlamentarac ne znam više koliko, dvije decenije, ali nikad se nije desilo da dobijemo u prilogu odluku koja je već izmijenjena.

Ja gledam koji ću član izmijeniti, ovamo šta mijenjaju, šta piše u članu, nema toga. (MEDIHA NUHBEGOVIĆ – Ugradili.) Ma ugradili ali nije stavio šta se mijenja.

Gdje je tekst integralni? Nikad se ovo nije desilo. Ovo niko još nije uspio ovako napraviti.

Odma nam dali kompletno izmijenjen. A kad pogledamo šta mijenjamo u tom trenutku ja sam, evo član 21. i tražim riječ, kako je to u integralnom tekstu, reko vidi Služba mijenja nešto a toga nema uopšte u odluci.

Nije poludila služba, nego požurila služba. Oni to napravili prije i ne mogu mijenjati tekst odluke iz aprila koju nam dostavljaju. Možete staviti u prilogu, evo stavili su boldirano ove nove odredbe. Ali ova stara je morala biti napisana i ovo je sugestija zaključak, još jednom, prilikom donošenja i dostavljanja odluka vijećnicima da se obavezno uz izmjene i obrazloženje izmjene dostavi i tekst integralno odluke koja se mijenja.

Ako on hoće da dostavlja dodatno i cjelovito, kako će dostaviti cjelovito kad ne zna se šta ćemo mi usvojiti? Ne može ići unaprijed.

Može dati kao prijedlog u tekstu kako bi to izgledalo, ali stari tekst mora biti napisan.

E gdje su prigovori još? Ovde se u članu, evo član 6. ili u stvari evo član 5. u članu 13. stav 2. veznik „i“ zamjenjuje se riječju „ili“. Nije velika razlika, ali je vrlo bitna zato što u obrazloženju piše da građani mogu držati u objektima ili zgradama kolektivnog stanovanja najviše dva psa ili dvije mačke. A bilo je prije dva psa i dvije mačke. I oni obrazlažu tad je bilo četiri životinje, a sad mogu držati dvije.

Hajde. Neko je htio da smanji. Dakle, ne možeš imat četiri u stanu, moraš imat dvije. E sad, šta ako neko hoće psa i mačku? Po ovoj odluci ne može imati. Ne može. Nemoguće. Piše dva psa ili dvije mačke.

Je li ovo neko mislio da pas i mačka ne mogu u stanu, pa da ne možeš nikako upisat. Je li neko zanemario okolnost kad odluka se čita kako je napisano, ne može biti dakle pas i mačka u kući. To one bapske priče, pa evo je li neko vidio da ne može.

Amandman na ovo ovde dakle, evo ulažem, staviti i ali prije Amandmana još jedna polemika. Šta sad neko ima četiri životinje? Šta će mora ubit jednu ili ne znam baciti s balkona? Ili prodati. Nije to riješeno. Mi to gledamo na način, evo neko nema životinju pa baš ga briga gdje ćeš držat kera ili mačku u kući, a neko kaže gdje ću ja biti u kući bez kera i mačke? Psa i mačke. Nije važno. Neko hoće.

Koliko je sad humano mi kad kažemo nekome e ti sad jednu životinju izaberi, imaš ova ti draga, a onu jednu ćeš baciti. Poslat da je ubiju negdje, autanaziju kako kažu moderno.

Nije u redu ovakva odluka. Neko je dobro mislio. Ne treba da bude u stanu puno životinja, ali gdje su okolnosti za one koji već imaju te životinje? Šta je s tim ljudima? Ovde treba staviti da može, dajte definišite Amandman, evo i ja ću ga dakle, prvo ne može ili stajati na ovakav način, mora se definisati koliko najviše životinja, pa u zagradi, pasa, mačaka. Dakle, dvije, tri ili četiri može dvije neka stoje, a da treba posebna saglasnost koga, neka bude neka bude nekakav način posebne saglasnosti ako neko zaista želi da ima više neka mu se da. Ima ljudi koji, evo neka se ograniči na te četiri, koliko je već bilo, jer mi smo odlukom prethodnom dali ljudima četiri životinje i ljudi su uzeli, nabavili, rekli možemo, prihvatili i sad odjedanput kažu znate mi se šalili mi to sad povlačimo na dvije.

Nije humano prema tim ljudima. To je član 6. osnovnog šest i oni su to iz osnovnog izbrisali su i stavili su ili.

Puno se sad iskomplikovalo. Ja bi radije ovo da ne diramo, da brišemo ovaj član Amandman, brišemo ostavimo ljudima dva psa i dvije mačke, pa nek on bira hoće li imati mačku

ili psa ili šta će ili je ovde sad, napraviti će problem, naićemo na situaciju da ćemo nekom nešto raditi negativno, nije u redu.

Ja lično nemam ni psa ni mačku u kući, ali neko ko to ima, on to voli i želi da živi s tim i vi njemu kad oduzmete to to je zločin Grada prema toj osobi.

Neću da saučestvujem u zločinu. Nećemo taj izbor koji je bio nekad famozni od razni fašista da su mučili ljude izaberi od dvoje djece koje će ti preživjeti a drugo da ubijemo.

A ovde je slično. Ljudi te životinje vole. Neko voli gotovo kao svoju djecu i treba poštovati pravo tih ljudi. Ja sam radije, ako ne možemo naći rješenje, da ovaj Amandman se briše.

Neka stoji dva psa, dvije mačke, pa neka neka se razmisli na koji način se može, uz posebnu saglasnost, komšija ili šta, riješiti, napraviti opet dodatnu izmjenu odluke.

A ovaj ostali dio nadzora, komunalnih redara, pa i sankcija. ovo je bitno. Evo sad smo čuli dvoje kolega su govorili o problemu nepoštivanja, nije da se ne poštuje Odluka, nego građani su dugo vremena živjeli u stanju bez mogućnosti kontrole njihovog ponašanja u odnosu na držanje kućnih ljubimaca i Grad Tuzla je prvi grad koji je napravio ovakvu odluku u Bosni i Hercegovini. Mi smo prvi koji smo izašli s inicijativom i napravili odluku i evo imamo je. Sad treba tu odluku više puta potencirati putem sredstava informisanja kod građana u smislu da postoje sankcije.

Ne treba ljude odma dovesti u poziciju da mora plaćati, a sankcije su dosta velike jer se znalo od 500 do 7.000 maraka za pravno lice je kazna.

Ovo ne znaju, neće ni znati, a ovo pogotovo sad što mijenjamo. Pravno lice. Od 200 do 2.000 maraka odgovorno lice pravnom licu, ogromna kazna. Kaznom od 100 do 500 fizičko lice. Dakle, minimalno je 100 maraka kazna. 500 maraka je za građanina koji napravi nešto, nije očistio ili slično.

I ovde prijedlog, zaključak da se putem sredstava informisanja, pogotovo oni koji su na nekakav način finansirani od strane Grada, ide u objavu upozorenja i obavještenja možemo reći, građanima koji drže kućne ljubimce, da se napravi jedan tekst kraći ili da napravi Stručna služba jednu vrstu obavještenja, ili Služba neka napravi za inspeksijske poslove, neka napravi i pokrene ovu kampanju. Da se putem sredstava informisanja građani obavijeste o stanju i posljedicama nepoštivanja odluke, odnosno o samoj odluci.

I onda ćemo imati okolnost da će ljudi poštivati odluku. Ljudi ne znaju. Mi donosimo propise, ko sad sjedi i od građana njih 99% prati zakone na način da kaže odo ja izčitavat svaki zakon.

Mora se od strane nas, kao Grada, prići tim građanima na način da budu obaviješteni o svojim obavezama, pa i posljedicama neizvršavanja svojih obaveza.

I zato evo zaključak zadužujemo Službu za inspeksijske poslove, Komunalnu službu nadležnu Službu za komunalne poslove, da putem ovih medija, ako je potrebno i platiti dijelom oglašavanje, jer time pomažemo ne samo tim ljudima da izbjegnu kaznu, nego i ostalim građanima koji će biti zaštićeni od toga, da ovi građani nisu bili neinformisani.

Jasno je da neznanje je štetno. Da onaj ko ne zna propise ne može se pozivati na to kada prekrši propis, ali kao grad evo možemo na ovaj način pomoći svojim sugrađanima i da saznaju, pa i oni koji nemaju kućne ljubimce da saznaju kakva su im prava ukoliko im komšija krši njihova prava neadekvatnim držanjem kućni ljubimaca.

I to će pomoći da možemo adekvatnije doći u poziciju da Služba za inspeksijske poslove dobije prijavu da evo, kao što smo sad čuli imamo situaciju na Slanoj Banji ili prođu kroz gad sa

pit bulom bez brnjice, koji može u svakom trenutku ugroziti sigurnost bilo kojeg građanina, kasnije je kasno. Na ovaj način riješimo taj dio problema.

Još jedan zaključak da se prema Veterinarskoj stanici Tuzla, dakle našem preduzeću, ispune obaveze koje su date zaključcima Gradskog vijeća, a koje se vežu za sigurnost građana po pitanju pasa lotalica, evo Mensur je rekao ljudi koji te pse puštaju jer ih ne mogu držati.

Ja sam imao priliku vidjeti na vrh Majevice ne znam šta je ono u šumi bijeli doberman, ne postoji to. To je ogromno ko tele, pušteno je. Ja zaista ne znam je li to postoje nekakve divlje vrste gdje su pravili ljudi križanja. Ono što sam vidio iz šume je tele bijelo ko avet doberman. Lik dobermana. Ono je strašno kad vidite i pušteno je tako nešto da luta po šumama ili može sići u grad.

Ako sam pogriješio u liku psa kojeg sam vidio, ali definitivno nešto ogromno s ogromnim zubima i lići na dobermana, a bijelo. Strašno. Još zamislite u mraku da nešto u polumraku vidite tako nešto, avet.

I još jedan prijedlog. Ovde smo imali u članu 6. brišu se riječi „ili zagadi stepenište ili lift“ to je član u osnovnoj odluci imao u članu 21. stav 1. e to je ono što je bilo, pa brisano i sad, ja ne znam kako je bilo prije, trenutno eto nemam u prilogu odluku. Stoji i dalje, ukoliko pas ili mačka pri izvođenju iz stana zaprlja stazu, put, zelenu površinu ili drugi prostor, vlasnik psa ili mačke dužan je da zagađenu površinu očisti, opere i uredi. Skinuto je ovo, ovaj dio, koji je evo navodno sporan, stepenište ili lift zato što se radi o Zakonu o stvarnim pravima.

Možemo li se mi ovde zaključkom, pošto Zakon to eto kako je napravljen malo dosta loše, ispade da privatno vlasništvo, zajedničko vlasništvo može da se urinira po njemu da se pusti pas da vrši nuždu po njemu po stepeništu, po liftu a da nema kazne. To je nedopustivo.

Ima li ikakav način da mi ovo riješimo da dozvolimo da čovjek izlazi iz stana i kaže baš me briga ja mogu pustit da pas radi šta hoće ili mačka meni ne smeta.

Tražio bi ako je ikako moguće ili pojašnjenje ili možemo li mi pod ovaj dio, gdje kažemo, ukoliko pri izvođenju iz stana zaprlja stazu, put, zelenu površinu ili drugi prosto, jer ovaj drugi prostor može opet biti stepenište ili lift. Znam. Ne piše javne površine. Možemo li naći rješenje za ovo? Evo ovo ovde je sporno. Ja sam protiv toga da mi nemamo način da građanin koji u stepeništu i liftu ostavi fekalije psa ne snosi nikakvu odgovornost. Mislim da moguće čak nije dobro niti protumačen Zakon o stvarnim pravima. Smatram da ne smije se ostaviti okolnost da Inspekcija nema kontrolu i nadzor nad tim objektima. (MEDIHA NUHBEGOVIĆ – Koji član?)

Evo član aktuelni dakle 6. a iz člana osnovnog teksta 21. stav 1. Ovo je vrlo bitno, jer najviše tu imamo problema gdje pas može izvršiti nuždu na stepeništem i onda direktno unosite fekalije u svoj stan na razno razne načine ili smrdi naravno kad uđete u haustor to je nedopustivo.

Dajte, evo ja bi toliko, pa da pokušamo sa predlagačem da vidimo način rješenja dakle i ovog dijela. Hvala.

## **JOZO NIŠANDŽIĆ**

Izvolite dalje ako ima. Ako nema zaključujem raspravu vijećnika. Molimo predlagača da se izjasni vezano za ovaj predloženi Amandman. Izađite za govornicu, molim vas. Zijad Lugavić, Pomoćnik Gradonačelnika za inspeksijske poslove. (MIRNES AJANOVIĆ – Mogu li ja poslovnika molim.) Izvoli.



## MIRNES AJANOVIĆ

Predlažem da mi nastavimo s daljim Dnevnim redom, u međuvremenu dok se konsultuje dakle predlagač sa svim ovim i ja i eventualno sekretar, da sad ne dovodimo se u poziciju da moramo odjedanput donijeti rješenje.

Dakle, da donesemo odluku da ovu tačku, ne odlažemo, nego nastavljamo sa daljim Dnevnim redom, a nakon toga, kasnije ćemo se vratiti na tačku ponovo. Odlažemo izjašnjenje. Ili raspravu, možda ćemo još raspravljati. (NADA MLADINA - Pauzu pet minuta.) Ili pauzu, kako god hoćete.

## JOZO NIŠANDŽIĆ

Evo dajem pauzu pet minuta. (Pauza.)

Nastavljamo s radom. Gospodine Ajanoviću, izvolite molim vas.

## MIRNES AJANOVIĆ

Hvala predsjedavajući, pauza je bila iz razloga kako bi se usaglasili stavovi u vezi moji prigovora, primjedbi, prijedloga sa predstavnicima obrađivačima, dakle ove tačke dnevnog reda.

I evo usaglasili smo se da su dva Amandmana, jedan Amandman na Odluku o uslovima, držanju i načinu postupanja sa domaćim životinjama, kućnim ljubimcima i nezbrinutim životinjama.

### AMANDMAN I

U članu 5. Odluke o izmjenama i dopunama Odluke o uslovima, držanju i načinu postupanja sa domaćim životinjama, kućnim ljubimcima i nezbrinutim životinjama, u daljem tekstu stav 1. briše se.

Dakle brišemo to u članu 5. stav 1. Time mi rješavamo problem, dakle ostaje i dalje, kao što je bilo i prije. Da građani mogu imati dva psa i dvije mačke. To nije obavezno da moraju imati, ali mogu imati.

A onda ćemo kasnije u narednom periodu sagledati način kako da to adekvatnije riješimo jer će evidentno biti potrebno i dalje ići u dopunu izmjene ovakvih odluka ili drugih odluka i dobro je što ovo Gradsko vijeće vrlo često ulazi u izmjene i dopune odluka raznih vrsta, shodno nastalom stanju u novim stanjima, okolnostima, za razliku od nekih institucija koje kada nešto donesu ne znaju to promijeniti, kao da je to nemoguće promijeniti.

I drugi Amandman II član 6. Odluke, briše se. Ovaj dio gdje se kaže da se brišu riječi „ili zagadi stepenište i lift“ dakle ostaje i dalje okolnost da Inspekcija može izvršiti kažnjavanje građanina koji ne očiste fekalije svojih kućnih ljubimaca u liftu ili stepeništu, a mi evo predlažemo zaključak, usaglasili smo ga, da se traži da obrađivač u narednih 60 dana iznađe način i rješenje, ili ako je potrebno da se predloži izmjena Zakona o stvarnim pravima, da Inspekcija može adekvatno intervenirati i u objektima, dakle u dijelu zajednički prostorija kako ne bi se desilo da bilo ko od građana zloupotrebljava zajedničke prostorije, a da ostali moraju trpiti neodgovoran odnos pojedinca.

Eto toliko, pa da se izjasnimo još u vezi ovoga. Hvala.

## **JOZO NIŠANDŽIĆ**

Gospodine Lugaviću možete li da se izjasnite o ova dva predložena Amandmana?

### **ZIJAD LUGAVIĆ – Pomoćnik Gradonačelnika za inspekcijske poslove**

Poštovanje. Evo, nakon usaglašavanja Službe za komunalne poslove, izgradnju i poslove mjesnih zajednica i u ime Službe za inspekcijske poslove mi prihvatamo ova dva Amandmana.

## **JOZO NIŠANDŽIĆ**

Hvala. Što znači da postaju sastavni dio odluke. Molim vas. Ko je za ODLUKU O IZMJENAMA I DOPUNAMA ODLUKE O USLOVIMA, DRŽANJU I NAČINU POSTUPANJA SA DOMAĆIM ŽIVOTINJAMA, KUĆNIM LJUBIMCIMA I NEZBRINUTIM ŽIVOTINJAMA, a Amandmanima koji su prihvaćeni, molim da digne ruku? (26) Ima li neko protiv? (Nema.) Uzdržan? (Nema.)

Konstatujem da je ODLUKA O IZMJENAMA I DOPUNAMA ODLUKE O USLOVIMA, DRŽANJU I NAČINU POSTUPANJA SA DOMAĆIM ŽIVOTINJAMA, KUĆNIM LJUBIMCIMA I NEZBRINUTIM ŽIVOTINJAMA jednoglasno prihvaćena, 26 vijećnika je glasalo za, nema niko protiv, nema suzdržan. Hvala.

Imaju zaključci. Evo molimo da sekretar pročita zaključke. Izvolite.

### **MEDIHA NUHBEGOVIĆ – sekretar Gradskog vijeća Tuzla**

1. Gradsko vijeće Tuzla apeluje na nadležne organe uprave, da u narednom periodu krenu u pojačanu kontrolu primjene Odluke o uslovima, držanju i načinu postupanja sa domaćim životinjama, kućnim ljubimcima i nezbrinutim životinjama.

2. U narednom periodu dostaviti informaciju o aktivnostima na primjeni citirane Odluke posebno o broju prijava, rezultatima prekršajnog postupka (da li je neko sankcioniran zbog nepoštivanja Odluke i slično), ulozi komunalnih redara itd.

3. Gradsko vijeće, aktuelizira svoju raniju inicijativu za izmjenu Zakona o inspekcijama Federacije BiH i Zakona o inspekcijama Tuzlanskog kantona u smislu uvođenja komunalne policije.

4. Prilikom dostavljanja izmjena odluka ili propisa Gradskog vijeća Tuzla na sjednice Gradskog vijeća dostaviti obavezno osnovni tekst odluke sa izmjenama i dopunama koje su objavljene „Službenom glasniku“.

5. Traži se od nadležnih službi, prvenstveno Službe za inspekcijske poslove i Službe za komunalne poslove, izgradnju i pitanja mjesnih zajednica, da putem medija obavijeste građane o sadržini Odluke o uslovima, držanju i načinu postupanja sa domaćim životinjama, kućnim ljubimcima i nezbrinutim životinjama i sankcijama za njeno nepoštivanje.

6. Traži se od nadležnih službi, da u skladu sa zakonom i propisima Gradskog vijeća, ispuni obaveze prema JP Veterinarska stanica Tuzla u dijelu poslova i zadataka, koji se odnose na ugrožavanje života i zdravlja ljudi, a vezano za primjenu Odluke o uslovima, držanju i načinu postupanja sa domaćim životinjama, kućnim ljubimcima i nezbrinutim životinjama.

7. Pitanje izvođenja životinja bez povodca na stubište i zajedničke prostorije u kolektivnim stambenim objektima, resorna Služba će razriješiti u roku od 60 (šezdeset) dana, što podrazumijeva sagledavanje mogućnosti i pokretanje iznijativa za izmjenu odgovarajućih zakonskih odredbi.

## **JOZO NIŠANDŽIĆ**

Hvala. Evo čuli smo prijedlog zaključaka. Ko je za ove zaključke, molim da digne ruku? (29) Ima li neko protiv? (Nema.) Uzdržan? (Nema.)

Konstatujem da su predloženi zaključci jednoglasno usvojeni, 29 vijećnika je glasalo za, nema niko protiv, nema suzdržan.

Prelazimo na četvrtu tačku Dnevnog reda:

**a) REGULACIONI PLAN NEREALIZIRANOG DIJELA PROSTORNE CJELINE „PECARA 2“ U TUZLI**

**b) ODLUKA O USVAJANJU REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI**

**c) ODLUKA O PROVOĐENJU REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI**

Obrađivači su Služba za prostorno uređenje i zaštitu okoline, Upravna organizacija Zavod za urbanizam Tuzla.

Predlagač je Gradonačelnik Grada Tuzla.

Materijal su razmatrali Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema) Čitanjem izvještaja komisija? (Nema.)

Otvaram raspravu klubova. Nema. Zaključujem raspravu klubova.

Otvaram raspravu vijećnika. Zaključujem raspravu vijećnika.

Idemo na izjašnjenje, znači pod a), b) i c) posebno. Ko je za a) REGULACIONI PLAN NEREALIZIRANOG DIJELA PROSTORNE CJELINE „PECARA 2“ U TUZLI, molim da digne ruku? (29) Ima li neko protiv? (Nema.) Uzdržan? (Nema.)

Konstatujem da je jednoglasno usvojen a) REGULACIONI PLAN NEREALIZIRANOG DIJELA PROSTORNE CJELINE „PECARA 2“ U TUZLI, 29 vijećnika glasalo za, nema niko protiv, nema suzdržan.

Ko je za b) ODLUKU O USVAJANJU REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI molim da digne ruku? (29) Ima li neko protiv? (Nema.) Uzdržan? (Nema.)

Konstatujem da je jednoglasno usvojena b) ODLUKA O USVAJANJU REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI, 29 vijećnika glasalo za, nema niko protiv, nema suzdržan.

Ko je za c) ODLUKU O PROVOĐENJU REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI molim da digne ruku? (29) Ima li neko protiv? (Nema.) Uzdržan? (Nema.)

Konstatujem da je jednoglasno usvojena c) ODLUKA O PROVOĐENJU REGULACIONOG PLANA NEREALIZIRANOG DIJELA PROSTORNE CJELINE „PECARA 2“ U TUZLI, 29 vijećnika glasalo za, nema niko protiv, nema suzdržan.

Prelazimo na petu tačku Dnevnog reda:

### **INFORMACIJA O REALIZACIJI PROGRAMA KORIŠTENJA SREDSTAVA ZA PODRŠKU PROJEKATA IZ OBLASTI PODUZETNIŠTVA ZA 2015. GODINU**

Obrađivač je Služba za ekonomski razvoj i društvene djelatnosti.

Predlagač je Gradonačelnik Grada Tuzla.

Materijal su razmatrali Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za poduzetništvo i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. Izvolite. Gospodin Edim Kadić, ispred Kluba Bosanske stranke.

### **EDIM KADIĆ – vijećnik Bosanske stranke**

Dozvolite mi da vas sve pozdravim, poselamim i jedna konstatacija, dobro bi bilo da ima više praznika, evo već smo na petoj tački, a prošli put u pola tri smo usvojili dnevni red znači. Popravljamo se.

Što se tiče informacije, informacija je dobra. Pohvaljujem Službu koja je radila informaciju i ja, što se tiče informacije i podataka koji su navedeni ne bi puno oko toga.

Dvije tri prijedloga ili konstatacije bi želio da spomenem, a radi se o tome da je zapošljavanje najveći problem u Bosni i Hercegovini i da tom problemu zaista trebamo svi puno više posvetiti i pažnje i vremena i truda da bi zadržali naše mlade ljude da odlaze iz ove naše lijepe države. Da stvorimo takav ambijent da ljudi u koju naša država, evo navest ću primjer medicinskog osoblja ulaže, evo doktori su počeli masovno da nam odlaze. U zadnje vrijeme i farmaceuti su počeli da odlaze i znači svi kadrovi gdje mi iškolujemo kadrovi nam oslaze i to je jako, jako loše.

Znači, moramo stvoriti konačno političku situaciju da ljudi dođu ovde, da kad ulažu kapital da, da je taj kapital siguran i da će se taj kapital oploditi.

Bez toga neće ni domaći, posebno bi da kažem spomenuo domaće investitore i domaćim da kažem investitorima, zaista pokloniti maksimalnu pažnju, da mi kao Grad učinimo sve ono što je do nas.

Na žalost mnoge stvari nisu do nas i mi ne možemo na njih uticati. Ali, evo da kažemo, da apelujemo na one koji odlučuju, koji donose zakone da to i urade.

Imamo primjer, evo, ja ću navesti par primjera što se tiče ulaganja da na žalost radio sam puno sa firmama iz Turske. I zaprepastio sam se kad sam vidio da dosta, dosta njihovi firmi ulaže u Srbiju. Da mi imamo onaj projekat Beograd na vodi koja je investicija preko milijardu.

Ima neki kod nas isto da kažem pozitivni stvari. Evo prošli put smo spominjali grad Tešanj, koji je jedan od primjera da ljudi zaista koji su tamo domaći da ljudi izvoze, ne znam da sad oko 500.000.000 da imaju izvoz grad Tešanj. Znači primjer, primjer jedan gdje bi mnogi trebali da se ugledaju.

Ono što bi ovde istakao je. Neki dan smo imali ovde otvaranje jednog centra, lično poznajem te vlasnike i u govoru vlasnik je napomenuo i pohvalio našu Službu za prostorno i ja ovaj put čestitam našoj Službi, jer zaista, pokušao sam da kažem da pomognem da nemaju zastoja, da dobiju papire što je prije moguće i čovjek mi se odma zahvalio i rekao da je ostvario odličnu saradnju i da ljudi bukvalno, ne može da prati izgradnju objekta da su naši ljudi zaista i Služba pokazala jednu ekspeditivnost i to treba i istaći. Znači dobre stvari.

A ono što bi ovaj put istakao je zaista da još malo ono naši državni firmi, koje su ostale, pogotovo javna preduzeća da oni koji odlučuju da zaista postavljaju sposobne ljude a ne podobne.

To je u narednom periodu potrebno i navest ćemo niz primjera gdje privatne firme mogu da rade, a državne ne mogu. Znači istom djelatnosti se bave.

Pa smo mi imali slučaj recimo državni pilana je mnogo propalo, a otvorilo se toliko privatni.

Imamo evo slučaj kod nas Aida. Aida je toliko problema, došlo je čovjek privatno, evo čujem da treba da zapošljava još 300, 400 novi ljudi i da, znači da je mnogo, mnogo do ljudi i da bi do stavljanja pravi ljudi na pravo mjesto.

Ovo što smo mi krenuli sa poslovnom zonom, ja ne znam dokle je stiglo, dobro je da smo krenuli i dobro bi bilo da ubrzamo maksimalno da je napravimo da sse što više naših ljudi zaposli i da stvorimo taj ambijent da ljudi dolaze i ulažu u ovaj grad. Hvala lijepo.

## **JOZO NIŠANDŽIĆ**

Hvala. Izvolite dalje. Gospodin Mensur Alić, ispred Kluba Tuzlanska alternativa.

## **MENSUR ALIĆ**

Sa onoliko novca koliko u Budžetu predvidimo za ovu Službu ona će sa tim sredstvima i raspolagati na način i pravila koja ta Služba radi.

Ova Služba radi izuzetno dobro, samo što imamo jedan problem veliki što mi uvijek u Budžetu planiramo malo sredstava za ovu Službu, to je potrebno daleko, daleko više sredstava kako bi upravo o čemu je govorio kolega došli do pomaka u zapošljavanju mladih.

Ja evo treći put sam, tri puta sam tražio informaciju o Poslovnoj zoni Kreka-sjever. Šta je s njom? Do čega je došlo? Zbog čega nema nikakve informacije, a pune četiri godine, evo Vijeće završava, na samom početku i u mom pregovaranju kad je poslije izbora je bio jedan od uslova da pokušamo iznaći mogućnost kako te poslovne zone napraviti na području grada Tuzla.

Bojim se da imamo ovde, naravno ova Služba je i zadužena, za taj dio posla koji treba da radi, međutim, imamo problem Geodetske uprave.

Moram otvoreno reći. Imamo neriješene imovinsko-pravne odnose na području grada Tuzle i to nije to malo to je preveliko.

Zašto ova Zona i stoji? Zašto se čeka s njom? Upravo su neriješeni imovinsko-pravni odnosi.

Ja ne znam stvarno bi nam potrebna bila informacija, na slijedećem Vijeću evo, sad da bude jedan od zaključaka da se dostavi informacija kompletna šta je sa tom Poslovnom zonom? Šta je sa drugom, trećom koju smo dogovorili? Rekli smohajmo jednu da završimo pa ćemo slijedeću. Mi imamo u Požarnici na dijelu Bara negdje oko 20 hektara zemljišta koje je u vlasništvu Grada Tuzle. Po papirima. Ako je. E sad je to pitanje da vidimo i je li to tačno vlasništvo ili nije.

Da ne ulazimo više u projekte, kao što smo ušli u ovaj projekat, a da nemamo imovinsko-pravne odnose riješene prije nego što počnemo raditi na samoj odluci prvo kad donosimo odluku o poslovnoj zoni, pa onda regulacioni plan, pa ono ostalo sve što je trebalo donijeti i na kraju kad treba realizovati stopira se, a novac je izdvojen.

Vi znate da smo mi u 2015. godini izdvojili 500.000 KM u 2016. godini u Budžetu smo izdvojili 1.000.000 KM. E sad milion ipo KM da vidimo da li je to uloženo i da li će biti od toga nešto?

Ako jeste nešto urađeno, hajmo pet, ako su riješeno pet imovinski odnosa za pet lokacija, po tri, četiri hiljade m<sup>2</sup> hajmo na Vijeće da donesemo odluku da to ponudimo investitorima i da krenemo sa realizacijom tog projekta, a da odma poslije toga nastavimo ono gdje imamo riješene imovinske odnose da krenemo u dalju realizaciju. To je jedan od načina kako ćemo zaustaviti odlazak mladih sa područja Tuzle i naravno čitave Bosne i Hercegovine.

Nemojmo, ja sam bio u komisiji u Koordinacionom tijelu oko ove Poslovne zone i evo dva mjeseca niko me nije zvao više. Ne znam ni šta se dešava. Da sam tamo, vjerovatno ne bi tražio ni informaciju, ja bi sad obavijestio Vijeće o čemu se radi i dokle je došlo i kako je došlo.

Znači, ono što treba raditi kad donesemo jednu odluku, hajmo to temeljito uraditi u određenom roku. Ne treba više obećavati nikom da ćemo zaposliti 4.000, 5.000, 10.000 radnika, a ako nemamo projekte unaprijed predviđene gdje ćemo i na koji način.

Ja sam imo pet firmi izvana, tri domaće firme koje žele, traže lokaciju, samo traže lokaciju da dobiju, da je kupe, da dobiju i da krenu sa izgradnjom novi objekata. A što je najvažnije to nisu objekti trgovine, nego to su objekti koji uglavnom su u dijelu proizvodnje i koji još pogotovo što su čista proizvodnja koja nema nikakvog zagađenja.

Zašto kad vam dođu ljudi, naravno, ja se susrećem sa svim ljudima koji se bave ekonomijom i privredom i kad na ovu temu, kad mi kažu, dajte nam samo lokaciju, mi ćemo praviti odma. I ono što je ključno pitanje po meni, što treba ova Služba, mora omogućiti kancelariju, ja to stalno govorim. Kancelariju za prijem investitora i da samo investitor dođe tamo sa idejom i donese dokumentaciju i kaže izvolite gospodo dajte nam to riješite.

Ta kancelarija treba da bude, u njoj trebaju da budu zaposleni stručni kadrovi, koji poznaju ovu tematiku i da jednom kad čovjek dođe da ne traži. Ne mora on tražit ni Gradonačelnika, što će, nema potrebe.

Ako ima u ovoj Službi sve oni će mu odraditi. Razne saglasnosti koje su potrebne da investitor ne hoda od jedne institucije do druge institucije, da sve na jednom mjestu završi, da taj tamo ko je uposlen uzme tu dokumentaciju, ode završi čovjek, dođe za sedam dana ima gotovo papirijadu, kreće na urbanističku dozvolu, građevinsku ostalo i za mjesec dana krene sa gradnjom.

To ćemo u narednom periodu, ja možda vidjeću da li ću dalje biti u Vijeću ili neću, ali biću savjetnik bar u Stranci, ili predsjednik Stranke, pa ću svojim vijećnicima tražiti od njih da se na ovome stalno radi, kako bi došlo do smanjivanja nezaposlenosti.

Jer danas zaposliti samo jednog čovjeka u privatnom sektoru je veliki uspjeh, a kamo li deset, dvadeset ili trideset.

Najlakše je zaposliti u institucije državne, to se zna kako se radi i na koji način, ali ovo ovdje, ovo jeste vezano, možda će mi neko reći da nije vezano za ovu tačku, ali je vezano i ovo je Služba za poduzetništvo i sve je pod okriljem nje i upravo je ovo njen dio posla koji treba da radi.

Da li tamo dobro saraduju unutar Gradske uprave službe to je sad pitanje na koje ja ne bi ni tražio odgovor ni bilo šta, ali timski se mora raditi.

Gradonačelnik mora biti menadžer. Menadžer. Mora biti menadžer ako želimo ekonomski da, koliko toliko da pokrenemo industriju na ovim prostorima i to novu. Najbolja su danas mala i srednja preduzeća, ona najviše donose i zapošljavanju i donose dohodak i državi.

Evo dajem podršku ovom stvarno, informacija je dobra, sve je u redu, ovo je, ja kažem, onoliko novca koliko dobiju oni to stvarno rasporede, urade transparentno, do kraja poslože sve kako valja i nemate vi šta ovde samo što možete proširiti nešto kako bi još bolje radila, ali sredstva moramo obezbijediti za takve, za takve poslove.

I zašto evo, moram napomenuti rebalans Budžeta. Rebalans Budžeta je se trebalo usmjeriti u ovaj dio najmanje 300, 400.000 maraka, ja ne znam koliko je usvojeno nisam bio na sjednici.

Rebalans Budžeta, ako je bilo tri ipo miliona suficita zar nije se moglo odvojiti dio sredstava za ovo upravo ako pričamo o zapošljavanju? A to nam treba da bude glavna tema. Nama treba biti glavna tema na ovom Vijeću u narednom periodu samozapošljavanje i samozapošljavanje i samozapošljavanje.

Jedino je to način kako ćemo socijalnu krizu u državi i gradu Tuzli popraviti na jedan kvalitetan način. Zahvaljujem.

## **JOZO NIŠANDŽIĆ**

Hvala. Gospođica Dajana Bakić, ispred Kluba Socijaldemokratske partije. Izvolite. Mirza Tupajić neka se pripremi.

## **DAJANA BAKIĆ**

Hvala. Kako ste vi rekli u najavi ovu informaciju je razmatrao i Klub vijećnika i vijećnica SDP-a BiH u ovom Gradskom vijeću. Kada je u pitanju informacija stoji na početku same da je razvoj privrede i podrška u stvaranju povoljnijeg poslovnog okruženja za nova ulaganja je imperativ sadašnjeg i budućeg usmjerenja Grada Tuzla i to se da primjetiti i vidljivo je iz aktivnosti, naročito u posljednje vrijeme prilikom otvaranja klastera za tipične proizvode prilikom nekih aktivnosti koje su organizovane u saradnji sa Udruženjem poslodavaca i inicijativa koje smo i mi imali na samom Gradskom vijeću u smislu kako bi se kreirali bolji uslovi za razvoj privrede i poljoprivrede i ruralni razvoj i razvoj poduzetništva, inicijativa nekih koje je imao i Gradonačelnik.

Dakle radi se puno na tome da se stvori povoljan neki ambijent poslovni, okruženje u kojem će se stvarati prilike za nova zapošljavanja i za razvoj generalno, za ekonomski razvoj Grada Tuzla i to je jako pohvalno i to je vidljivo u ovoj informaciji.

Vidljivo je takođe da se radi intersektoralno. Ja mislim da je to dobar, dobar put ka pozitivnim rezultatima rada, u smislu da to možemo vidjeti kroz različite informacije i o realizaciji projekata iz oblasti poljoprivrednog, odnosno ili ruralnog razvoja iz podrške organizacijama civilnog društva.

Dakle kroz različite informacije se vidi da se radi intersektoralno, da se obuhvataju različite ciljne skupine, različite skupine građana i građanki i da se na taj način trude zadovoljiti je li ovaj potrebe građana i građanki kada je u pitanju njihov i kreativni i društveni ali i razvoj u smislu zapošljavanja i ekonomski razvoj i stanje, socijalno i ekonomsko stanje svakog pojedinačno, ali i kolektivno nas kao zajednice.

Što je jako pohvalno i vidi se ovdje naznačeni su posebno projekti koji su radili sa civilnim društvom i vidljivo je da ono za što su iskazane potrebe za finansiranje, odnosno za dobivanje grantova iz Budžeta Grada Tuzla od strane organizacija civilnog društva, to su uglavnom neki tradicionalni obrti, domaća proizvodnja, razvoj poljoprivrede i u tom smjeru treba nastaviti, što smo mi pokazali je li usvajanjem Budžeta Grada Tuzla za 2016. godinu, gdje smo izdvojili dodatna sredstva za razvoj primarne poljoprivredne proizvodnje, ali i nastavili smo i u ovoj oblasti poduzetništva tu hajmo reći tradiciju ili taj uspon izdvajajući dodatnih 50.000 konvertibilnih maraka za 2016. godinu za razvoj projekata iz oblasti poduzetništva.

Mi time dokazujemo neku dosljednost i nastojimo održati dakle i ovu oblast razvoja grada i u tom smjeru treba i dalje nastaviti.

Kadaje u pitanju malo prije koje sam navela dakle osnivanje klastera tipičnih proizvoda u Sjeveroistočnoj Bosni, to je događaj kojem smo nedavno svjedočili, i jako je dobro i mislim da se treba dodatno ispromovisati projekat.

U smislu je li neke medijske prisutnosti i u smislu, osnovana je već i web stranica i urađena je i promocija tada, ali mislim da se treba nastaviti i evo ja poznajem dosta mladih ljudi koji su zainteresovani da se bave nekim tradicionalnim obrtom i treba im ovaj omogućiti da oni izlažu u tom prostoru koji i jest namijenjen za te svrhe i ono što njima olakšava u ovom segmentu njihov rad jeste da je puno lakše dobiti, završiti svu proceduru kada je u pitanju je li birokratija.

I naravno tome trebamo težiti i mi smo evo više puta na sjednicama Gradskog vijeća, ne samo kada je u pitanju tradicionalni obrt, nego generalno stvaranje nekih lakših uslova da se ovdje i registruju firme i da se izvadi kojekakva dokumentacija iz oblasti građenja i drugih oblasti.

Mi smo donosili inicijative i različite zaključke i u tom smisli treba ponovo inicirati i treba to urgirati kod viših nivoa vlasti koji i jesu zaduženi za donošenje takvih pozitivnih u ovom slučaju zakonskih propisa.

Puno se radi na socijalnom poduzetništvu, što je dobro da smo zadržali tu osjetljivost kada su u pitanju manjinske grupe i osjetljive kategorije stanovništva.

Ono što je vidljivo iz rezultata istraživanja Agencije za ravnopravnost spolova iz 2013. godine, doduše nije se poslije radilo istraživanje na nivou Bosne i Hercegovine, kaže da je zaposlenost između muškaraca i žena na jednakom otprilike nivou u Bosni i Hercegovini, ovaj i da je broj nezaposlenih žena i muškaraca otprilike jednak.

Mi smo ovdje i to jeste na inicijativu organizacija civilnog društva, ali najveću pažnju kada su u pitanju, kada je u pitanju nezaposlenost socijalnih kategorija stanovništva posvetili



ženama, što je jako dobro i treba na tome raditi, ali treba uvesti i muškarce u ovu priču, s obzirom da je jednak broj, otprilike jednak broj nezaposlenih muškaraca i treba prije usvajanja programa rada organizacija civilnog društva ali i same naše Službe i oblasti i ljudi koji se bave ovaj socijalnim poduzetništvom treba intenzivno raditi i komunicirati da se pokuša taj nekakav smijer ulaganja u isključivo tradicionalne, tradicionalna ženska takozvana zanimanja i treba ga nekako mijenjati i treba možda napraviti rodnoravnopravne programe koji će omogućiti i ženama i muškarcima je li da, da se jednako bave, da se jednako edukuju i da se jednako bave istim stvarima. Kao što neko reče živimo u XXI vijeku.

Ono kroz neke projekte edukacije i osposobljavanja mladih, ovdje je vidljivo da se nastoji nekako uskladiti ovaj obrazovanje i tržište rada, što je dobro, i puno se ulaže u tu neku vaninstitucionalnu edukaciju i to je dobro, ali evo trebamo nastojati nekako da uspostavimo saradnju i sa višim nivoima vlasti, naročito sa Vladom Kantona ili Univerzitetom u Tuzli u smislu omogućavanja i kreiranja različitih programa koji će razvijati kreativno poduzetništvo kod mladih, koji će usklađivati dakle obrazovanje sa tržištem rada i koja će omogućiti prekvalifikaciju ili dokvalifikaciju određenih zanimanja koja i jesu sada atraktivna na tržištu rada, naročito kada je u pitanju IT sektor, gdje vi iako ste završili neki smijer, društveni možda smijer, imate mogućnost kroz male edukativne programe koje nude neke različite organizacije da se osposobite da radite IT industriju.

Mi imamo na području grada Tuzle već dobar broj firmi koje vode mladi ljudi i koji okupljaju do 30, 40 zaposlenih gdje se bave programiranjem, web dizajnom i to je neka industrija koja je sada sve više atraktivna i ja vjerujem da je, da će se ona razvijati u budućem periodu sa razvojem tehnologije koja je jako brz i u tom smijeru mislim da se različite kategorije stanovništva i dobne skupine mogu osposobiti da rade, da rade u istoj i na tome treba raditi u saradnji sa organizacijama civilnog društva i naravno sa Univerzitetom u Tuzli.

I evo činjenica jeste da ako bilo koje istraživanje sprovede da kada pitate građane i građanke koji je najveći problem, ističe se nezaposlenost. Ovdje i na kraju informacije imamo pregled, realizacija aktivne politike zapošljavanja dakle iz oblasti poduzetništva na području Grada Tuzla za 2015. godinu, gdje smo mi sa grantom od 80.000 konvertibilnih maraka uspjeli animirati dakle poslodavce različite da, odnosno 18 registrovanih pravnih lica da uposle 40 novih radnika.

Ono što je bitno zadržati kada su u pitanju, kada je u pitanju zapošljavanje jeste ta održivost radnih mjesta, da ne bude evo damo mi grant pa se neko osposobi, da odradi volonterski ili pripravnički staž, ili ne znam ni ja ima radno mjesto na godinu dana i da se napravi samo smjena novih lica.

Meni je drago da ovdje stoji u informaciji da je 30 ljudi od 40 zadržalo radna mjesta, a da ostalih 10 ljudi samoinicijativno nije htjelo nastaviti, možda za to što su našli neko drugo zaposlenje, ili evo jedan nije zadovoljio uslove poslodavca.

Dakle to je trend koji treba nastaviti i evo i mi smo svojim nekim aktivnostima kao što je usvajanjem Budžeta Grada Tuzla gdje su izdvojena dodatna sredstva za razvijanje ove oblasti uradili sve da doprinesemo njenom razvoju i naravno evo mi ćemo i usvajanjem ove informacije, Klub će glasat za nju, nadam se doprinijeti tom istom razvoju. Hvala.

**JOZO NIŠANDŽIĆ**

Hvala. Gospdin Mirza Tupajić, ispred Kluba Stranke demokratske akcije. Izvolte

Tupajiću.

## MIRZA TUPAJIĆ

Ja vas još jednom pozdravljam. Što se. (JOZO NIŠANDŽIĆ - A nek se pripremi Mirza, odnosno ovaj Elvir Kasumović. Elvir Kasumović. Izvinjavam se.) Ja sam. Ja sam.

Što se tiče informacije, kratko, jasno, fino napisano i što se tiče šefa Službe Vedrana Lakića, on se trudi. Često smo razgovarali o ovim temama i tako dalje. Često nalazimo i isto mišljenje.

Međutim, mi smo ovdje na Vijeću izglasali jednu Inicijativu, a to je Inicijativa Vodič za investitore i čak je bio zaključak da to bude u roku od 60 dana. Je li tako kolega Aliću?

Nažalost taj dokument koji je jako potreban za privlačenje stranih, usvojen je i sve, ali je li realiziran? To ne znam. Volio bi da dobijem odgovor.

Znači jedanizuzetno potreban dokument koji bi trebao biti preveden na deset do petnaest stranih jezika.

Dalje. Vezano za ovu, podržavam vezano za ovu kancelariju, a u toj kancelariji trebalo bi ste isto obraditi, obraditi znači podaci građana Tuzle koji su rođeni u Tuzli, živili prije rata u Tuzli, koji su se poslije rata odselili iz Tuzle, otišli po bijelom svijetu, snašli se, imaju svoje privatne biznise, da se pravi ta baza podataka, da se napravi neka komunikacija sa tim ljudima, da se nađe neki zajednički jezik i da se vidi da li postoji mogućnost njihovog investiranja u svoju zemlju, u svoj grad i tako dalje.

Evo primjer, imamo pozitivnih primjera već u Gradu Tuzla, kad neko dođe sa ovih području, znači Sjeveroistočne Bosne, pa prije svega znači iz Tuzle, a i sa Sjeveroistočne Bosne kad uloži i tako dalje.

Pretprošlu sjednicu sam postavio vijećničko pitanje, zašto Grad Tuzla ima izuzetno spore tenderske procedure dobivanja raznih dozvola? Što je kamen spoticanja znači investitorima. Pogotovo stranim investitorima.

I naveo sam slučaj studenstskog hotela Dorrah koji je trebao početi raditi u septembru prošle godine i evo godinu gotov dana ljudi imaju ogroman znači, ogromne gubitke. Još nemaju vodu. A kako sam dobio informacije, to sam naveo u tom vijećničkom pitanju, sve su priključke platili. Investicija je koštala oko 6.000.000, znači stranog kapitala u Grad Tuzla.

Imali su još četiri projekta, u planu još četiri projekta, kako sam dobio informaciju. Svi ovi projekti su trebali biti u Zenici, ali našim lobiranjem, znači lobiranjem entuzijasta iz Tuzle, znači taj projekat je došao u Tuzlu i trebalo je biti još jedna fabrika, kako sam čuo i obdanište, ono tačno se ne mogu još sjetiti ostalih projekata. Znači to su crka možda 20.000.000 investiranje.

Poslije ovog iskustva naravno neće oni, zaobići će Tuzlu. Naravno svojim partnerima pričat će kako je ovdje teško, kako su imali problema i tako dalje i to ne smijemo sebi dozvoliti kao grad. I tako.

Ja se nadam, evo da dalje da ne duljim. Znači predizborna je godina, sve što insan priča neko će pomisliti da je ovo u svrhu neke kampanje, ali mi živimo, vrijeme prolazi, žalosno je da jedna Bijeljina ima veći Budžetgrad od nas, da neke manje sredine od nas se izuzetno brzo razvijaju i tako dalje.

Mi se moramo zajedničkim snagama boriti i sa i tamo i u Kantonalnoj vladi preko svojih političkih subjekata i predstavnika, i u Federalnoj i tako dalje i na državnom nivou.

Vi znate da je lokalpatriotizam, da svako vuče svojoj opštini. Moramo zajedničkim snagama lobirat da nam bude svima bolje.

## **JOZO NIŠANDŽIĆ**

Hvala. Repliku ima gospođa Erna Delić. Izvolte Erna.

## **ERNA MEŠIĆ**

Ja ću veoma kratko. Ja sam napomenula to i prošli put, pa bi evo možda bilo lijepo da me kolega sad zapamti.

Kad smo razgovarali o Inicijativi vezano za Vodič za poduzetnike, a bilo je i zaključaka u okviru iste ove Informacije već prethodnih godina.

Javno preduzeće Biznis, inovacije i tehnologije je uradio Vodič za poduzetnike. Za otvaranje društva sa ograničenom odgovornošću i za otvaranje obrta. Taj Vodič je preveden i na Engleski jezik, taj Vodič je dostupan u svim BIT centar zgradama, taj Vodič je dostupan i u Službi, ja sam to i prošli puta napomenula napominjem i sad. Imala sam priliku da i sama da ga uzmem, da ga isčitam.

Taj Vodič koji je urađen sadrži znači sve korake. Od ideje do adrese gradskih uprava, do cijena svih dozvola i bilo kakvih koraka koji se tiču otvaranja bilo kakvog obrta ili društva sa ograničenom odgovornošću.

Sve je eksplicitno napisano i evo naglasit ću, dakle preveli su, prevedeno je i na Engleski jezik, sve u svrhu i stranih investitora koji dolaze ovdje i kojima je takav Vodič potreban.

Svakako ukoliko postoji neki način da se taj isti Vodič možda proširi ili dopuni, ukoliko je neka od procedura zastarjela ili nešto, ali ja sam stvarno, imam jedan primjerak kod kuće, mislim da bi to možda bio jedan zaključak prema Službi, da se možda preispita postojeći i. (MDIHA NUHBEGOVIĆ – I inovira.) Inovira. Jeste. Osavremeni. Hvala.

## **JOZO NIŠANDŽIĆ**

Hvala. (MIRZA TUPAJIĆ – Replika.) Repliku Mirza Tupajić. (MENSUR ALIĆ – Replika.) Evo da dam Mirzi pošto sam njega već prozvo. Izvolte Mirza. (MIRZA TUPAJIĆ – Mensure hoćete li vi?)

## **MIRZA TUPAJIĆ**

Drago mi je to čut. Naravno da treba inovirati. Proširiti sa novim zakonskim propisima. A naravno i kad se bude radio taj jedan ozbiljan dokument vidjet će se tačno propusti koji trenutno postoje.

Kolega Alić je spomenuo saradnje i nekad spora komunikacija između raznih službi. Ružno je da neko. Evo znači ovo vam je primjer studentskog hotela Dorrah. U septembru trebali početi raditi. Koji je danas? Ne radi. Danas je znači juni mjesec i tako dalje.

Potrebno je znači inovirat i prevest na više jezika.

## JOZO NIŠANDŽIĆ

Hvala. Gospodin Alić Mensur. Repliku također. Izvolte gospodine Aliću. I ti imaš. Repliku ili diskusiju? (EDIM KADIĆ – Repliku.)

## MENSUR ALIĆ

Ovdje je replika samo da kažem da, da BIT centar je nešto drugo. Taj BIT centar. Ja ne znam ni šta se u njemu dešava. Iskreno da kažem. Samo znam da izdvajamo sredstva. Šta se dešava tamo, ko radi, kako radi i to.

Ali ja striktno tražim da kancelarija bude u gradskoj upravi. Mimo ovoga, mimo ovih vodiča, mimo ovoga. Gradska uprava je ta koja treba da ima to. Zašto to govorim?

Jučer smo dobili evo Službeni glasnik, nisam ga uspio ni na vrijeme ni pročitati, ali mi je sad kolega dao ovdje jedan podatak sam našao, evo našli smo u objavi, sredstva ostvarena radom Termoelektrane. Molim vas.

Ekonomski kod taj i taj, izgradnja poslovne zone Kreka-Sjever, u koloni deset iznosi 750.000 KM-ova, zamjenjuje se sa iznosom od 550.000.

A mi kolega Edima pričamo ovdje malo prije i ti si govorio o zapošljavanju. O zoni. 200.000 skinuto.

O čemu pričamo? O poduzetništvu? Ma dajte. Ovo je stvarno, sad kad sam ovo vidio, ovo je nevjerovatno. Skinuto 200.000 KM-ova. Gdje je otišlo? Kome je otišlo? Kome su otišla ta sredstva?

Umjesto da ono što smo zacrtali i dogovorili ovdje evo skinulo se. To je, to je. Zato je. E to je ono što mi kao koji smo bili pozicija, evo sad moram reći to, nismo učestvovali u kreiranju Rebalansa budžeta od 3.500.000 KM-ova.

Naravno da smo učestvovali u tome prije Vijeća, da se ne bi ovo dogodilo. Sigurno. Da bi tražili da se ovakve stvari ne dogode. I to je razlog bio. Raspoređena su sredstva kako jesu raspoređena.

Ali ovdje skinuti sa poslovne zone za koju smo svi ovdje govorimo kad govorimo o zapošljavanju, govorimo o tome, a skine se 200.000 maraka. Pa nemojte. Mislim to je stvarno. Stvarno ne znam šta.

Ali evo iza 2. oktobra ćemo vidjeti. Ja kažem da ćemo čitavo četiri naredne godine posvetiti samo i prva će biti sjednica Vijeća kad se konstituiše, druga, tematska sjednica da napravimo jedan ekonomski program, program, ekonomski program, na Vijeću da ga mi napravimo. Na koji način i kako ćemo ovo realizovati da pomaknemo ekonomski Grad Tuzlu da je pomjerimo da ide ka usponu gore.

Sve ostalo ovo, sva ostala dokumenta, ove informacije, odluke, sve to možemo brzo raditi, ali osnovno moramo posvetiti čitave naredne četiri godine ako budemo zdravi i živi i ko bude u ovom Vijeću, kako i na koji način, uvažavajući jedni druge, kako doći do novih zapošljavanja i otvaranja novih fabrika na prostoru Grada Tuzle.

Pa evo šta znači sad što sam ja zaposlio 30 radnika u ovom vremenu. 30 novih radnih mjesta. Bez ikakve pomoći ičije. Bez išta. Hajmo na to ići. I još mi neko tamo naruči na, na, na, na portalu naruči tamo da kaže da je to tal bio sa SDP-om, da bi napravili, da bi se regulacioni plan promijenio u Gorjoj Tuzli.

A evo dobio sam odličan odgovor od Službe, Gradske službe za prostorno, u kojem nije nikad bilo ni dolazilo u zadnjih deset godina, jer sam postavio prošli put pitanje, e to je ono što se nama uskraćuje razvoj, gdje sam dobio odgovor da u zadnjih deset godina nikad nije došlo do promjene urbanističkog, niti bilo kakvog plana regulacionog u Gornjoj Tuzli u poslednjih, od 97. godine. Od 97. godine. Da nije došlo do toga.

I drago mi je. Odžat ću press konferenciju povodom ovoga i onima koji su naručili taj tekst da im kažem i da medije obavijestim o svemu tome. Kako se mogu izmisliti laži. Laži. A vi pokušavate čitavo vrijeme da, da pomognete da na, na, i Službi, naravno i gradskoj upravi i Gradonačelniku da pomognete kako da zaposlimo što više radnika na ovim prostorima.

I to treba da bude nama svima zadaća. Da nam bude zadaća. I da ne patimo od toga je li to ovaj uradio, je li to onaj, ali je bitno da smo mi uradili kao vijećnici svi zajedno. I to je uspjeh ovog Vijeća će biti.

I time se moramo ponositi kad napravimo pet, šest fabrika i kažemo evo zaposlili smo 300, 400 ljudi. Nismo ih mi zaposlili, ali smo im omogućili svojim radom, svojim donošenjem akata da mogu investirat, da mogu zaposliti ljude.

Hvala. Malo je duža replika. (JOZO NIŠANDŽIĆ – Dobro.) Izvinjavam se ako sam prešao granicu, (JOZO NIŠANDŽIĆ – Ništa. Ništa. Ništa.) ali evo ja se izvinjavam i neću više. (JOZO NIŠANDŽIĆ – Ništa. Hvala. Edim Kadić.) Nije ovo replika bila direktno ono, (JOZO NIŠANDŽIĆ – Ma ja.) nego je sam obuhvatio samo dio, izvod.

## **JOZO NIŠANDŽIĆ**

Isto je repliku rekao je li tako? Edim Kadić ima repliku, pa će Erna poslije Delić. Izvolte Edime.

## **EDIM KADIĆ**

Ja, mi smo nadležni da stvaramo uslove ali ima i iznad nas neko, neka vlast koja bi trebala da stvori još bolje uslove i to je dobro.

Htjeo sam gospodinu Mirzi, mom kolegi dragom, vezano za ovaj studentski dom. Ako znaš ko je kriv zašto to nije dosad otvoreno da kažeš. Ako ne znaš da ja i tražimo odgovornost lica koja su doprinijela da ovako loše vijesti odu o Gradu Tuzli. Da vidimo ko je to kriv.

Da li je to kriv investitor ili nije dokumentaciju ili je kriv neko iz Vodovoda, iz Službe, ili ne znam ko već, da se ispita to da vidimo zašto to nije urađeno. To je jedna stvar.

Druga stvar vezano za Budžet Grada Tuzle i Grada Bijeljine. Ja predlažem evo sad da našim vladajućim partijama do 2018. da napravimo prijedloge u saradnji sa Međunarodnom zajednicom da ukinemo kantone, onda ćemo imati Grad Tuzla veći budžet nego Grad Bijeljina. Jer ovi tamo nemaju one kantone. Da ide to.

## **JOZO NIŠANDŽIĆ**

Hvala. Gospođa Erna Delić, isto repliku ima. Izvolte.

## **ERNA MEŠIĆ**

Ja ću ovaj pokušat da budem kratka, nadam se da neću otići preširoko. Zasmotala mi je jedna vaša rečenica. Znam da ste rekli da ne odnosi se vaša replika na dio onoga što sam ja govorila, ali početak vašeg izlaganja odnosio se na to da vi ne znate šta je BIT centar, da ne znate na koji način funkcionise, da ne znate njegovu svrhu, a da izdvajamo budžetom novac.

Meni je stvarno mislim i žao što je do toga došlo i što za vrijeme i ovog mandata i vjerujem ja i da ste vi jako, jako upućeni šta je to što BIT centar radi. I evo dobili ste pozivnicu, u utorak otvaramo novu zgradu, dolaze nove firme, 30 radnih mjesta se otvara.

Do kraja ove godine dolazi još 70 inženjera koji će raditi u različitim firmama. Većinom su toinostrane firme koje svoje ogranke otvaraju ovdje upravou Tuzli.

Sa četvrtom zgradom Biznis, inovacije i tehnologije stvaraju upravo uslove za stvaranje tih novih radnih mjesta koje ste vi u svom izlaganju spomenuli da je potrebno ovom gradu.

Iz tog razloga me je strašno možda zasmotala ta vaša rečenica da ne znate koja mu je svrha a vjerujte svaki izvještaj BIT centra koji mi dobijemo, kad vidite koliko firmi djeluje u okviru tih prostorija i koliko mladih ljudi radi na novim različitim novim, Dajana je iskoristila taj izraz, atraktivnim djelatnostima koje su u svijetu jako, jako i potrebne pa tako i na ovim prostorima.

Samo sam željela da za ovom govornicom ne ostane ovo zadnje što ste vi rekli jer ne bih voljela da se umanjuje značaj Biznis, inovacija i tehnologija i samog Tehnološkog parka koji vi i sami znate da je najveći na ovim prostorima.

Tako da bih volila ukoliko bilo kakvih informacija ili trebate ili želite ija vam stojim na raspolaganju. (MENSUR ALIĆ – Replika.)

## **JOZO NIŠANDŽIĆ**

Hvala. Gospodin Alić Mensur ima repliku. Izvolte Aliću. Sad ćete vi Kasumoviću. Na redu ste.

## **MENSUR ALIĆ**

Ma nije problem taj Centar uopšte. On mene ne interesuje. Jednostavno kao privrednika me ne interesuje jer nisam ništa dobio od njega ja pomoći u nekakvim svojim kreativnim da mi donese nešto, da mi predloži, da ovo. Nemam te informacije i zato.

Ali neka njega. Nek se on širi. I treba ga imati. Ali ja sam zagovornik fabrika. Direktnog zapošljavanja i okruženja koje fabrike vežu dalje zapošljavanje drugih. Ja sam zagovornik toga.

Ali naravno da nemam ništa protiv ni Centra, ni ovog. Nek radi on svoj poso. Ko se tamo zapošljava, kako i na koji način i kako to funkcionise, pa nisam se baš toliko ni interesovo. Ali hvala ti na objašnjenju. Nemam ja ništa tu protiv toga. Ništa.

## **JOZO NIŠANDŽIĆ**

Hvala. Idemo na redovne diskusije. Na redu je Elvir Kasumović, ispred Kluba Saveza za bolju budućnost. Izvolte Kasumoviću.

## ELVIR KASUMOVIĆ

Ovom informacijom htjelo se prikazati kako je idealno staje u Gradu Tuzla, kako je ovo naperspektivniji grad i tako dalje, međutim evo svi smo svjesni nažalost toga da to nije tačno.

U dijelu teksta u informaciji koji se kaže da je pokrenut je li proces izgradnje Poslovne zone Kreka-Sjever u Tuzli, što ja ne bi prikazivao kao uspjeh, nego kao neuspjeh. Ovdje se konkretno radi o neuspjehu. Jer je to samo pokrenuto. Bageri su izašli, poravnali teren, nisu riješeni prije toga imovinsko-pravni odnosi koji su prije toga, prije same izgradnje projekata trebale da se riješe i onda smo sad stali sa tim projektom.

Znači ne možemo to prezentovati kao uspješan projekat. Koji nije. I onda kažemo, nastavak realizacije projekta razvoja RPC Tuzla Inkubator Lipnica i tako dalje, i kaže koji predstavljaju primjere najuspješnijih poslovnih zona u Bosni i Hercegovini i regiji.

Meni bi najdraže bilo evo ovdje da je to tačno, međutim nažalost to nije tačno. Sama statistika govori.

Evo koliko je investitora, odnosno koliko je bilo kakvih da kažem novih predstavništava ili bilo kakvih razvojnih programa pokrenuto, evo nećemo pričati o Poslovnoj zoni Kreka-Sjever obzirom da nije završena, a pitanje je i da li će i kada biti.

Jednostavno u, evo u RPC Inkubator Lipnica koliko imamo novih investicija, odnosno otvaranje novih je li kapaciteta u području ovog Inkubatora? Ja mislim da evo u protekloj godini nismo imali ili nismo mi informisani, ali mislim da nismo imali nijednog.

I kako možemo sad to prikazati kao pozitivan primjer. Za razliku od evo tri općine: Žepče, Teslić, Tešanj i tako dalje, gdje Evropa, evo i svijet, Amerika je saznala za te općine. I mi prikazujemo da smo bolji od njih a nismo. Nažalost.

U ovoj informaciji koja je trebala da prati sredstva za podršku projekata iz oblasti poduzetništva za 2015. godinu, na kraju, u stvari imamo informaciju o davanju sadake za održavanje nekih manifestacija.

Kada kažem sadake, samo smo evo u većini situacija ovdje, da ne čitam, mislim ne želim da, da, da, navodimo kojim udruženjima i tako dalje se radi, ali evo u većini tih projekata, pod navodnicima, dato je po 2.000 maraka za održavanje kojekakvih sajмова, za ne znam bazara i tako dalje.

Ako je gospodo 2.000 maraka dato Udruženju pčelara da održi bazar, pa nije to nikakav uspjeh. Mi smo faktički napravili privremenu tržnicu. Taj uspjeh oni imaju svaki dan za 5 maraka uzmu lijepo onu, zakupe tržišni prostor je li na gradskoj tržnici i prodaju svoje proizvode.

Po meni ovo nije podrška razvoju, odnosno programima iz oblasti poduzetništva. Možda bi se na neki drugi način kroz neke projekte trebalo da radi jer ovdje iz ove informacije nisam vidio nijedan konkretan program. U informaciji ne stoji nijedan konkretan program osim što se radi o održavanju sajмова je li nekih i tako dalje. Kao što sam već naveo.

Morat ću da spomenem da je podrška Grada Tuzle obezbijedena i za Udruženje Nezavisni biro za razvoj. Kolko vidim iz informacije napravljen je i obezbijeden prostor da bi to Udruženje realizovalo projekat osnivanje klastera tipičnih proizvoda Sjeveroistočne Bosne i Hercegovine.

Vidite nešto. Tržišna ekonomija nije takva da mi napravimo neku kancelariju gdje ćemo uhljebiti dva i tri čovjeka, iz ne zna nekog kruga nekoga, gdje će oni navodno reklamirati neke proizvode.

Evo imate našeg uspješnog privrednika Mensura Alića. Njemu ne treba ova kancelarija. Što će mu. Kad on svojim kvalitetom i uspješnom proizvodnjom pravi sebi i kroči tržište prema Bosni i Hercegovini prije sega, Evrope i tako dalje.

Radi čega sad ovo da radimo. Vjerovatno se radi o dva neka mezimca ili tri ne znam, koje treba uhljebiti u ovom Udruženju.

U 2015. godini uloženo je 80.000 konvertibilnih maraka gdje je 18 subjekata je li zaposlilo 40 naših sugrađana. I to je sad, to bi trebalo da bude kao uspjeh. To je poražavajuće.

Ja sam neki dan na portalu pročitao da Gradonačelnik kaže kako će zaposliti 4.000, odnosno otvoriti novih 4.000 radnih mjesta. Ovom dinamikom po 40 radnih mjesta na godišnjem nivou, znači za 95 godina će se ostvariti taj njegov. Prostim računskom operacijom. Za 95 godina će se zaposliti 4.000 ljudi na području Grada Tuzla.

Ova politika je poražavajuća da vam kažem odmah. Ovom politikom smo otjerali investitore. U prilog tome ću reći činjenicu, da je trebalo da dođe do proširenja jednog proizvodnog pogona koji izuzetno dobro radi samo za strano tržište na području je li prostora HAK-a tamo, Polihema, trebalo je još da se proširi za pedesetak radnika baš politikom kojom je, lošom politikom smo otjerali tu investiciju i eno na području Živinica je otvorena ta, otvoren taj pogon, 50, 60, 70 novih radnih mjesta je otvoreno baš radi toga što gradska uprava, odnosno izvršna vlast nije imala razumijevanja, nije imala šta da ponudi tim, tim ljudima.

A samo je trebalo da ima se ponudi možda neki povoljniji uslovi za građenje jer su bili spremni u ulaganje otvaranje novih hala i tako dalje. Nismo im izašli u susret. Ne samo njima, ima joštu mnogih, mnogih, mnogih ovaj proizvodnih pogona koji su trebali a nisu realizovani na području Grada Tuzle.

Napomenut ću samo podatak, da je razgraničenje između Tuzle i Lukavca u samo 50 metara, vi imate 70% razlike u cijenama određenih dadžbina. Tako da ljudisamo gledaju dokle je granica Lukavca i na području Lukavca investiraju, a ako bi investirali na području Tuzle znači moraju da ulože 70% više novčanih sredstava da bi isti taj pogon otvorili na području Grada Tuzle.

Mislim da to nije dobra politika. Smatram da bi u narednom periodu trebalo raditi na tome da se stvaraju što povoljniji uslovi da se privlače investicije, a ovo je baš način da jednostavno dadžbine koje trebaju da daju Gradu da se spuste.

Na taj način se otvaraju nova radna mjesta, a ta nova radna mjesta će proizvoditi i na ime određenih je li dadžbina mi ćemo biti na istom a otvorili smo nova radna mjesta i zbrinuli smo porodice naših sugrađana.

Da ne bi bilo da informacija nije skroz dobra, ja bi pohvalio što ste u ovoj informaciji decidno naveli u kojim firmama su i koliko je radnika zaposleno na području je li Grada Tuzle. Radi se o ovih 40 radnika. To mi je drago da se na tako transparentan način ta sredstva koja su data objave nama i da mi je li kao vijećnici imamo uvida kome je i kolko je dato i šta je jednostavno realizovano od tih sredstava.

Kao što reče gospodin Mensur, svjestan sam da ni Služba nije u mogućnosti da da više nego što je Budžetom planirano, ali smatram da i kada se vrši planiranje budžeta da bi se za ove namjene trebalo izdvojiti daleko veći broj sredstava, odnosno daleko veći iznos sredstava, ali ne da se podržavaju sajmovi, ne znam ovaj bazari i tako dalje. Naravno i to je dobro, ali treba to finansirati iz neke druge vrste, iz nekih drugih sredstava, a ovdje da se baš baziramo na sredstva za podršku projekata.



Znači da nam konkretno ova udruženja sledeći put ne organizuju sajmove, nego da nam ponude projekte i da se ti projekti i finansiraju na ime toga je li, na ime namjena je li za koje su baš namijenjena. Zahvaljujem se.

## **JOZO NIŠANDŽIĆ**

Repliku ima gospođica Dajana Bakić. Izvolte Dajana.

## **DAJANA BAKIĆ**

Hvala. Mene ne iznenađuje diskusija mog prethodnika u smislu sadržaja, ali me nivo podcjenjivanja aktivnosti koje su realizovane i koje su prikazane u ovoj informaciji je za mene poražavajuće. Kao što su za vas poražavajuće neke stvari koje su ovdje iznijete.

Ovaj u smislu da apsolutno podcjenjujete i organizaciju sajмова i kao aktivnosti na kojima ljudi koji su se, mali proizvođači koji se bave tradicionalnim obrtima, koji nude prilike za samozapošljavanje ili se samozapošljavaju u svojim malim firmama gdje oni ne mogu, bave se takav je nivo, odnosno takav je, takva je priroda posla da on ne može da napravi fabriku i nije veliki proizvođač kojem ne treba veliki prostor, nego mu treba jedan klaster u kojem će da, da promoviše svoj neki mali tradicionalni obrt, koji dakle nema tu prirodu posla kao neka firma i neki veliki je li, veliki obrt, da ih vi karakteriše kao nepotrebne i kao nešto što ne treba finansirati, kao i sve ostale aktivnosti iz oblasti socijalnog poduzetništva ili finansiranje pokretanja proizvodnje nekih malih, malih proizvođača koji i nemaju potrebu možda da ostvaruju ogromne dobiti i nemaju potrebu da im se dadne grant za finansiranje, odnosno sufinansiranje aktivnosti.

Dakle grantovi koji se spominju ovdje su grantovi koji se daju za sufinansiranje aktivnosti. Dakle te organizacije civilnog društva i mali proizvođači svakako su aktivni i aktivna na drugim poljima i imaju mogućnost da dobiju sredstva i od Vlade Tuzlanskog kantona i Federacije ali i države, gdje postoje dakle resorna ministarstva iz ovih oblasti i koja i jesu isključivo i nadležna za ovo.

Mi se trudimo ovim aktivnostima da kreiramo jedan ambijent ne samo za otvaranje velikih firmi koji činjenica jeste mogu zbog obima svog posla uposliti možda veći broj ljudi, nego mi ovdje stvaramo ambijent za samozapošljavanje i za njegovanje i tih nekih tradicionalnog obrta i nekih malih proizvoda jer vidimo po potrebama koje su iskazane od ljudi koji se jesu prijavili za finansiranje aktivnosti da to jesu proizvodi koji su tipični, proizvodnja koja jeste tipična, koja je vezana za ruralni razvoj, za poljoprivrednu proizvodnju i nešto gdje mi imamo trend i povećanje iznosa.

Možda nije naravno, niko nije zadovoljan sa iznosom koji se izdvaja. To je u skladu sa prilikama koje mi imamo u Gradskom budžetu, ali se trudimo. I ne treba bilo koju aktivnost koja se nalazi u informaciji na taj način degradirati zato što se ne radi o nekoj, nekom velikom investitoru ili velikoj firmi koje rade u drugim uslovima u odnosu na ove male.

Mi trebamo biti socijalno osjetljivi i osjetljivi na potrebe građana i građanki. Takva smo sredina i to trebamo njegovati. Trebamo i prilikom investicija voditi računa šta lokalna zajednica može učiniti i šta lokalna zajednica treba dobiti od strane tih ljudi koji investiraju i u konačnici zaštititi i radnike i radnice koji će biti kasnije tu uposljeni jer se o njihovim životima moramo, moramo brinuti. U tom smislu moja replika.

## **JOZO NIŠANDŽIĆ**

Repliku takođe ima gospođa Erna Delić. Pa ima Elvir Kasumović, imam tri prijavljena od vijećnika. Ali molim vas sad je, samo da vas podsjetim, sad je 12 i 12 minuta, a imamo još tri tačke. Pa sad. Molim? Ima Mehmed Mujić, Mirnes Ajanović, Enes Huseinagić od redovnih koji su se prijavili. Izvolte. Ali imamo dvije replike još. Izvolte.

## **ERNA MEŠIĆ**

Dosta toga sam zapisala ali evo Dajana je većinu stvari rekla. Žao mi je što se ne afirmiše i ne shvata ono što piše, ne shvata važnost svih ovih organizacija, kako vi kažete ovih silnih sajмова.

Spomenuli ste ste Udruženje Nezavisni biro za razvoj i osnivanje klastera tipičnih proizvoda Sjeveroistočne Bosne. Kolega Kasumoviću u informaciji piše, radi boljeg plasmana tipičnih proizvoda. Vi ako ne vidite koji je rezultat svega toga što je urađeno i ako vam nije jasno mislim da ste imali dovoljno vremena i prije same sjednice sa šefom Službe da vam možda bolje objasni.

Što se tiče ovog sajma za Udruženje pčelara, to je Dajana već stvarno i previše obrazložila pa neću ulaziti u to, ali spomenut ću stvarno da mi je žao da i tu svrhu ne shvatate. Mislim da je to jako, jedna od bitnih stvari. I eto nadam se da ste makar posjetili taj sajam i pomogli tim ljudima.

I skrenut ću samo pažnju na ono što ste izložili ovdje a vezano je za Razvojno poduzetnički centar Inkubator Lipnica. Meni je žao što vi ne znate ni koliko firmi postoji u tom Inkubatoru, ni koliko je firmi otvoreno u proteklih godinu dana, ali vi ste uredno imali Izvještaj o radu ovog Inkubatora. Vi ste taj Izvještaj imali priliku pročitati. Ja se nadam da ste ga pročitali.

Ali vi ste gospodine Kasumoviću napustili sjednicu Vijeća kad se raspravljalo o RPC-u Lipnica. Tako da ne vidim razlog ovdje. Mislim samo ste potvrdili građanima i građankama ovog grada da vi taj materijal niste pročitali, a evo ja ću potvrditi da vi niste bili na toj sjednici i da zaista ne znate šta se radi u RPC-u Lipnica.

## **JOZO NIŠANDŽIĆ**

Isto također repliku ima Elvir Kasumović. Izvolte.

## **ELVIR KASUMOVIĆ**

Vidite nešto. Radno mjesto koje ste dobili u Vodovodu kao vijećnica trebate braniti na neki drugi način a ne svojom retorikom da branite nešto što nije činjenica.

Ja sam pričao jezikom činjenica. Znači ako vi. Ako vi. Ako vi. (JOZO NIŠANDŽIĆ – Molim vas, ja bi vas molio, pa nemojte tako. Nemojte ulaziti u privatnost.) Ako vi ulazite u neke stvari po pitanju toga (JOZO NIŠANDŽIĆ – Kasumoviću.) i vrijeđate intelektualnost nekih ljudi ovdje nismo mi, građani su u svima nama prepoznali je li te intelektualne sposobnosti sa kojima se mi ovdje mjerimo.

Ja sam samo pričao o činjenicama, a činjenice su to da je ovdje izneseno da se radi o 40 radnih mjesta, a znači Gradonačelnik je obećao 4.000 radnih mjesta. Za 95 godina je znači to moguće realizovati.

Tipičnim načinom zamjene teze, teza koje priliči je li jednostavno političkom subjektu kojem vi pripadate, iznošenje ovdje nekih neargumentovanih je li tvrdnji, ja neću da se osvrćem na to, ja sam se samo osvrnuo na informaciju i ono što piše u informaciju.

Koliko sam ja informisan, sigurno jesam informisan više nego vi, to ću pokazati u sledećem periodu, gdje neću kriti jednostavno i ne želim nerad i neuspjeh ovoga svega kojeg vi tvrdite da je uspjeh.

Ako je vama uspjeh 40 radnih mjesta u toku godine, onda čestitam. Napomenut ću da samo jedna mahala u Tešnju je zaposlila stotinjak svojih mještana. Ako su to uspješni poslovni rezultati vas i izvršne vlasti to samo nek građani sami procijene.

Perma tome evo možemo ući u dalju raspravu. Ja sam spreman. Vi izvolite iznesite ovdje tvrdnje koje ovdje stoje, da ja nisam tačno rekao. Imamo i predstavnika Službe, pa nek jednostavno on nam pojasni po tom pitanju sve.

## **JOZO NIŠANDŽIĆ**

Erna izvolte. A nek se Azra pripremi. Još deset minuta imamo. Ja poslije zaključujem i glasamo. Pa ne možeš doći na red gospodine. Vidite da replike imaju prednost. Pa ne možeš sad. Imamo još deset minuta. Izvolte.

## **ERNA MEŠIĆ**

Već drugi put kršite Poslovnik. Već drugi put ulazite u lični, moj privatni život. Već drugi put. Ja prošli put nisam ništa uradila po tom pitanju a neću ni sad jer vi to ne zaslužujete. Apsolutno ne zaslužujete.

Za mene i o meni se niste brinuli dok sam bila na Birou. Je li tako? Sad se brinete. Brinete se o mom radnom mjestu. To vas ne treba da interesuje.

Ja ću ponoviti što je kolegica Merima rekla. Vama se obraćam i ja ću vas zamoliti da me gledate u oči. Vi niste takav čovjek i nećete to uraditi sigurno. Je li vam drago što ste, mogli ste to putem vijećničkih pitanja koje ste vjerujem imali davni dana spremni.

Niste se brinuli o meni kao kćerki demobilisanog borca kad sam bila nezaposlena tolike godine pa vas molim da to ne radite ni sad.

Ja ovdje ponovo moram svoj privatni život da branim od vas. Rekli ste gdje je moje prebivalište, rekli ste gdje je moje boravište, rekli ste gdje je moje radno mjesto. Je li ima nešto da ste izostavili?

Je li treba ovdje. Hoćete li kopiju zdravstvene knjižice moje? Kopiju pasoša, ličnu kartu. Šta vam još treba? Imate još tri sjednice do oktobra mjeseca. Štajoš treba od mojih ličnih podataka vi ovdje da javno kažete? Molim vas dostaviti ću vam ja na julsku sjednicu. Eto molim vas objavite vi javno. (ELVIR KASUMOVIĆ – Pričamo o informaciji.) (JOZO NIŠANDŽIĆ – Nemojte sa mjesta molim vas. Nemojte sa mjesta.)

Replika, poslovnička, ispravka krivog navoda, šta god hoćete, trenutno za ovom govornicom trenutno ja uzimam sebi za pravo da to radim.

Informacija o poduzetništvu. Je li tako? Je li informacija? Gledajte me molim vas, vama se obraćam. Je li informacija o poduzetništvu?

Ja sam izašla da vam repliciram vezano za vaše izlaganje za informaciju o poduzetništvu. Jasam replicirala vezano za RPC Lipnica. To je poduzetništvo. (ELVIR KASUMOVIĆ – Što ste uznemireni?) Zato što ste me uznemirili gospodine Kasumoviću. Zato što ste me uznemirili. Drhtim, drhti mi glas. Uznemirili ste me. Jeste. (ELVIR KASUMOVIĆ Istina boli.) (JOZO NIŠANDŽIĆ – Nemojte sa mjesta molim vas. Nemojte sa mjesta.) Zato što moj privatni život nije sadržan u informaciji o poduzetništvu za 2015. godinu. Uzet ću vremena koliko mi treba i sama da se smirim i da vam odgovorim kako treba.

Mislim da je dosta i mislim da ste završili. Donijet ću vam fasciklu sljedeći put. Donijet ću vam fasciklu, svako svjedočanstvo iz osnovne škole, svako svjedočanstvo iz srednje škole. Molim vas slušajte me dok vam se obraćam. I diplomu sa fakulteta i Uvjerenje sa Biroa i moj Ugovor o radu pod kojim trenutno radim jer čujemo da je to ono što vas najviše zanima. Donijet ću vam ovjerene kopije ako vam treba. Ovjerene kopije.

Ali vas molim kad vam donesem, izađite za govornicu i recite sve što trebate da kažete što se tiče mog ličnog života. Ali tu da stanete. Jer mislim da ste prevršili svaku mjeru. (JASMIN HABUL – Ako može da ovo.) (JOZO NIŠANDŽIĆ – Nemojte dobacivati. nemojte. Nemojte dobacivati molim vas.) Je li vam nešto ne odgovara kolega Habul? Je li vam nešto ne odgovara što ja branim svoj lični život ovdje za ovom govornicom? Smeta vam što ja uzimam tuđe vrijeme. (ELVIR KASUMOVIĆ – Pa uzimaš više vremena.)

Je li dogovoreno danas da bude mirna, kratka sjednica. (JOZO NIŠANDŽIĆ – Nemojte sa mjesta molim vas.) Ima ljudi koji hoće da ispune ovaj Sveti mjesec onako kako su naumili. (JASMIN HABUL – Ne možemo vezati to sa politikom.) Pa ne možemo vezati, slažem se, ali vaš kolega izašao i upravo napravio od ove sjednice nešto što nije trebao da napravi.

Ja se izvinjavam svima ali ovo stvarno je prevršilo svaku mjeru. (JOZO NIŠANDŽIĆ – Ja molim sve vijećnike.) Izvinite, stvarno izvinite, ali onoliko vremena koliko mi treba da se smirim toliko ću i da uzmem.

Molim vas moj privatni život izostavite iz svog govora za ovom govornicom. Je li vam smeta što moji roditelji žive preko puta vas u mjesnoj zajednici? Je li vam smeta to što sam ja i kandidatkinja i na sledećim izborima? Jesam li ja vama toliki protivnik da vi morate non-stop ovdje o tome da pričate?

Ja mislim da ste prevršili svaku, svaku mjeru. I mislim da je dosta. Kao što sam rekla, fasciklu koju ćete dobiti sa vjenčanim listom. Sve što vam treba. Sve. Sve. Sve. Ali vas molim s tim da završite.

## **JOZO NIŠANDŽIĆ**

Dobro. Idemo. Hvala. Ja sve, molim vas, upozoravam sve vijećnike, nemojte ići nikad, poštuju Poslovnik o radu. Nemojte udarati tamo na ličnost nikakve. Nemojte ulaziti u nečiju privatnost. Molim vas. (ELVIR KASUMOVIĆ – Što su vijećničkim pitanjem mene dirale. Vi ste prvi krenuli. Do kraja ćemo tako ići.)

Izvolte. Repliku ima gospođica Azra Gazibegović. Izvolte. Pa evo sad ćemo. Ne mogu. (NEDŽAD MALIKIĆ – Presijeci, nema nikomeviše.)(BERIZ SAKIĆ – Ja mislim da nam vrijeme ističe.) Izvolte Azra.

## AZRA GAZIBEGOVIĆ – vijećnik Socijaldemokratske partije

Očigledno da smo prekršili dogovor koji smo imali na sjednici Kolegija Gradskog vijeća. Ja ću pokušati da budemo kratka i da kažem ono što stoji u informaciji, ali isto tako da se osvrnem na repliku gospodina Kasumovića.

Dakle u ovoj informaciji stoji 40 novouposlenih radnika. Njih 30 zadržano u firmama gdje su primljeni i nakon isteka roka od šest mjeseci, te su ove firme zahvaljujući podršci Grada Tuzla uspjeli da stručno osposobe ove radnike i obezbijede uslove za nastavak njihovog radnog angažmana, odnosno da sa njima produže ugovore o radu.

Zaostalih 9 radnika nakon isteka roka od šest mjeseci nije se nastavilo sa radom u firmama u kojima su bili angažovani iz razloga što su ti radnici samoinicijativno zatražili sporazumni raskid Ugovora, radi uglavnom pronalaženja drugog posla, dok jedan radnik nije zadovoljio uslove poslodavca, odnosno nije pokazao zadovoljavajući nivo osposobljenosti.

Razlika između lokalne vlasti u Gradu Tuzla i razlika između viših nivoa koji su izvorno nadležni za zapošljavanje je velika. Ovdje dakle vidimo da radnici ostaju u firmama za razliku od viših nivoa vlasti koji daju određene poticaje ili određena finansijska sredstva samo za privremeno zbrinjavanje kako bi ljudi otišli privremeno sa Biroa i kako bi se pokazala lažna slika o zapošljavanju. To možemo da vidimo kroz izvještaje koje dobivamo od Zavoda za zapošljavanje, odnosno sa Biroa.

Dakle gospodine Kasumoviću niste u sali a voljela bi da ste tu da čujete ono što imam da vam kažem.

Kada već govorite o intelektualnom kapacitetu ja vas molim da pomognete SDA-u na višim nivoima vlasti, prije svega se tiče dakle projekata Federalnog zavoda za zapošljavanje koji nude Projekat prvo radno iskustvo i predstavljaju ga kao uspješnim, a time samo privremeno, odnosno na određeni način rješavaju problem mladih ljudi ili onih koji nisu do sada zasnivali radni odnos.

Projekat podrazumijeva prvo radno iskustvo i samo odrađivanje pripravničkog staža na godinu dana, uz nemogućnost produženja ugovora. Za one poslodavce koji se udostoje, odnosno koji žele da pomogne mladim ljudima, a i ja sam jedna od polaznica tog Projekta, samo dakle se nudi privremeno odrađivanje pripravničkog staža a kasnije ponovo se vraćamo na Biro.

Ja vam predlažem da iskoristite svoje intelektualne kapacitete bez obzira što ste samo u Gradskom vijeću Tuzla koje izvorno nije nadležno za zapošljavanje nego za stvaranje uslova zapošljavanja, a evo i Gradonačelnik i svi mi koji smo članovi i članice SDP-a radimo na izbornom programu koji je već u završnoj fazi, a koji podrazumijeva broj radnih mjesta o kojem ste vi govorili i koji je znači na period od četiri godine naredne. I već određena, određena radna mjesta će biti u ovoj godini.

Za razliku od vas koji prodajete maglu i mladim ljudima i svima već poslednjih nekoliko godina.

Ja predlažem ako već želite ovo što ste spomenuli za drugaricu, moju drugaricu Ernu, članicu Gradskog vijeća Tuzla, hajmo svako od vijećnika da kaže gdje je radio, koliko je radio, šta je radio, koliko je sredstava zaradio, pa da vidimo.

Mi mladi ljudi možda nismo imali dovoljno vremena da se bavimo određenim poduzetničkim aktivnostima jer smo radili neke druge stvari. Bili smo angažovani na nekim drugim poljima, nismo zarađivali od toga, nego smo svoj društveni angažman radili na drugačiji

način, odnosno stavili smo se na raspolaganje da pomognemo volonterski, bez naknade, svojoj lokalnoj zajednici, što ja radim u polednjih deset godina.

A određeni ovdje koji nama sole pamet u ovom Gradskom vijeću već četiri godine rade neke druge stvari a mi ne želimo da o tome govorimo za ovom govornicom, ne želimo da to zloupotrebjavamo. Ali ćemo svakako reći u izbornoj kampanji i reći ćemo biračima koji buduse odlučili da izađu na birališta.

Ovo stvarno više nema smisla. Neka vas bude stid i sramota što privatne i lične stvari iznosite za govornicom. Ali nije problem, ako je to vaš način rada to naš način rada nije. Ali svakako ćemo naći način da do građana na drugi način dođe ono što vi radite.

Ja vas molim u ime svih mladih ljudi, sa kojima i komuniciram i sa kojima ne komuniciram, i sa nezaposlenim i sa zaposlenim, da iskoristite svoje intelektualne kapacitete gospodine Kasumoviću, stavite ih na raspolaganje SDA-u i SBB-u na višim nivoima vlasti i napravite programe za zapošljavanje mladih ljudi i da ne prodajete više maglu.

## **JOZO NIŠANDŽIĆ**

Predlažem ovako molim vas. Pošto smo se dogovorili na Kolegiju i na prošlom i jutros prije Vijeća, da zaključimo sjednicu u 12:30. Molim vas. Pa nemoj da ispoštujemo. Otvara se rasprava. Ako uvažavate molim vas. (SABAHUDIN IMAMOVIĆ – Što nas dirate Jozo.) Ne diram ja vas. Niko ne dira.

Molim vas. Da donesemo. Da primimo informaciju k znanju i da pročitamo evo prijedlog zaključaka ima dosta ovdje. (SABAHUDIN IMAMOVIĆ – Vrlo je važno. Hoću nešto drugo.) Ja, znači završavamo raspravu. (SABAHUDIN IMAMOVIĆ – Hoću nešto drugo.)

Ko je za to da primimo informaciju k znanju molim vas da idemo. (SABAHUDIN IMAMOVIĆ – Bićete uskraćeno za ovo.) Pa dobro imate i pravo, ali ja dogovorili smo se i moramo ispoštovati to brate dragi. Nemojte tako.

Pitam vijećnike, ko je za to da se primi k znanju informacija o realizaciji programa korištenja sredstava za podršku projekata iz oblasti poduzetništva za 2015. godinu, molim da digne ruku? (25) Ima li neko protiv? (Nema.) Suzdržan? (Nema.)

25 vijećnika je glasalo za, niko nije bio protiv i suzdržan, te konstatujem da je INFORMACIJA O REALIZACIJI PROGRAMA KORIŠTENJA SREDSTAVA ZA PODRŠKU PROJEKATA IZ OBLASTI PODUZETNIŠTVA ZA 2015. GODINU, jdnoglasno primljena k znanju.

Predlažem zaključke molim vas:

1. Gradsko vijeće Tuzla, traži da se za jednu od narednih sjednica dostavi informacija o aktivnostima na formiranju poslovnih zona na području Grada Tuzla.

2. Neophodno je da se aktivira rad kancelarije, koja bi bila na usluzi investitorima i koja bi trebala biti adekvatno kadrovski i tehnički opremljena.

3. Gradsko vijeće Tuzla, traži da se analizira važeći Vodič za investitore Grada Tuzla i da se po potrebi navedeni dokument inovira, i po potrebi, osim na Engleski prevede i na više svjetskih jezika.

Evo molim vas ko je za ovakav predlog zaključaka? (MEHMED MUJIĆ – Mogu li ja? Imam jedan zaključak.) Izvolte. Nema rasprave. Samo zaključak. (MEHMED MUJIĆ – Samo zaključak.)

**MEHMED MUJIĆ – ispred reda nacionalnih manjina  
vijećnik Socijaldemokratske partije**

Hvala predsjedavajući. Pošto sam se ja javio vezano a radi se o pitanju nacionalnih manjina, moj jedan od zaključaka, na osnovu člana Zakona, 17., stav, pripadnika nacionalnih manjina Federalnog parlamenta 2008. godine koji je usvojen u Federalnom parlamentu a do današnjeg dana nije primjenjen i mi ćemo na osnovu tog Zakona uputiti direktno u Federalnom parlamentu, da se svi oni zakonski akti i obaveze prema Evroatlantskim integracijama pristup Evropskoj uniji ispoštuju ona načela pripadnika nacionalnih manjina pri zapošljavanju.

I jedan od zaključaka molim u narednom periodu, da se vodi računa o pri zapošljavanju pripadnika nacionalnih manjina u svim institucijama i firmama, a određena sredstva što moram sa obrazloženjem postoje sa državnog nivoa a poslodavci ne žele da učestvuju u tom segmentu.

**JOZO NIŠANDŽIĆ**

Hvala. (BERIZ SAKIĆ – Samo mi reci Mujiću jesu li izbjeglice nacionalna manjina? Je li na mjestu pitanje?)

Pitam vijećnike, ko je za predlog zaključaka uz korekciju koju je već gospodin naveo, molim da digne ruku? (26) Ima li neko protiv? (Nema.) Suzdržan? (Nema.)

26 vijećnika je glasalo za, niko nije bio protiv i suzdržan, te konstatujem da su jednoglasno usvojeni slijedeći zaključci:

1. Gradsko vijeće Tuzla, traži da se za jednu od narednih sjednica dostavi informacija o aktivnostima na formiranju poslovnih zona na području Grada Tuzla.

2. Neophodno je da se aktivira rad kancelarije, koja bi bila na usluzi investitorima i koja bi trebala biti adekvatno kadrovski i tehnički opremljena.

3. Gradsko vijeće Tuzla, traži da se analizira važeći Vodič za investiture Grada Tuzla i da se po potrebi navedeni dokumenat inovira, kao i da se po potrebi, osim na Engleski prevede na više svjetskih jezika.

4. Ispoštovati odredbe međunarodnih konvencija, koje je prihvatila naša zemlja, kada je u pitanju zapošljavanje pripadnika nacionalnih manjina.

Molim vas. (MEDIHA NUHBEGOVIĆ – I ovaj zaključak stavite na glasanje.) Molim? (MEDIHA NUHBEGOVIĆ – Ovaj.)

Za narednu 24. redovnu sjednicu Gradskog vijeća Tuzla, koja će se održati u četvrtak, 14.07. 2016. godine, prebacuju se tačke 6., 7. i 8. molim vas. To nam je ostalo evo ovako što kažu.

Sa ovim završavam. (MIRNES AJANOVIĆ – Kadrovska pitanja.) (MEDIHA NUHBEGOVIĆ – Stavite na glasanje. Na glasanje.) A šta kadr. (MIRNES AJANOVIĆ – Kadrovska.) (NADA MLADINA – Kadrovska.) Pa hoćemo li ići i kadrovska onda? (MIRNES AJANOVIĆ – Jaštaćemo.) (NADA MLADINA – Hoćemo.)

Hajde molim vas da pročitam za kadrovska. Imamo svega izmjene. I to dvije.

Prelazimo na šestu tačku dnevnog reda:

## KADROVSKA PITANJA

Ja ću pročitati predlog zaključaka Komisije.

1. Gradsko vijeće Grada Tuzla prihvata prijedlog Komisije za izbor i imenovanja, a na inicijativu Bosanske stranke, te se Aid Salihsahić razrješava dužnosti člana Savjeta Mjesne zajednice Ši Selo, a Azur Vrabac bira na dužnost člana Savjeta Mjesne zajednice Ši Selo.

2. Gradsko vijeće Grada Tuzla prihvata prijedlog Komisije za izbor i imenovanja, a na inicijativu Narodne stranke Radom za boljitak, te se Zlatan Pavlović razrješava dužnosti člana Savjeta Mjesne zajednice Ši Selo, a Denis Memić bira na dužnost člana Savjeta Mjesne zajednice Ši Selo.

Pitam vijećnike, ko je za ovakav predlog, molim da digne ruku? (28) Ima li neko protiv? (Nema.) Suzdržan? (Nema.)

28 vijećnika je glasalo za, niko nije bio protiv i suzdržan, te konstatujem da su jednoglasno usvojeni slijedeći zaključci:

1. Gradsko vijeće Grada Tuzla prihvata prijedlog Komisije za izbor i imenovanja, a na inicijativu BOSS Bosanske stranke, te se:

- Aid Salihsahić razrješava dužnosti člana Savjeta MZ Ši Selo,
- Azur Vrabac bira na dužnost člana Savjeta MZ Ši Selo.

2. Gradsko vijeće Grada Tuzla prihvata prijedlog Komisije za izbor i imenovanja, a na inicijativu Narodne stranke Radom za boljitak, te se:

- Zlatan Pavlović razrješava dužnosti člana Savjeta MZ Ši Selo,
- Denis Memić bira na dužnost člana Savjeta MZ Ši Selo.

Mi smo znači, ostalo nam je samo tačka 7. i 8. Vidimo se. (MEDIHA NUHBEGOVIĆ – Stavite na glasanje. Stavite na glasanje pa zaključite.)

Molim vas. Znači ko je za to da za narednu sjednicu Gradskog. (EKREM TOPIĆ – Nemoj ba, da izglasamo i ove dvije.) Ne može ba sad.

Ko je za ovaj predlog koji sam pročitao molim vas. (MEDIHA NUHBEGOVIĆ – Znači da se tačke 7. i 8. prebacuju za narednu sjednicu.) Za narednu sjednicu, koja će se održati 14. 07. Eto.

Pitam vijećnike, ko je za, molim da digne ruku? (28) Ima li neko protiv? (Nema.) Suzdržan? (Nema.)

28 vijećnika je glasalo za, niko nije bio protiv i suzdržan, te konstatujem da je jednoglasno usvojen slijedeći zaključak:

Za narednu 24. Redovnu sjednicu Gradskog vijeća Tuzla, koja će se održati u četvrtak, 14.07. 2016. godine, prebacuju se tačke:

7. RASPRAVA O POSLANIČKOJ INICIJATIVI ZA IZMJENE I DOPUNE ZAKONA O POREZU NA PROMET NEPOKRETNOSTI I PRAVA TUZLANSKOG KANTONA

8. TEKUĆA PITANJA

a) Obavještenje Službe za razvoj, poduzetništvo i društvene djelatnosti o razlozima prolongiranja izrade Izvještaja o radu i poslovanju Javnih preduzeća i Javnih ustanova

b) Obavještenje JKP „Komunalac“ Tuzla o razlozima prolongiranja izrade Izvještaja o radu i poslovanju za 2015. godinu

c) Inicijativa za uspostavljanje autobuske linije prema Koscima i Tetimi

d) Inicijativa za izmjenu Zakona o ugostiteljskoj djelatnosti Federacije Bosne i Hercegovine („Službene novine Federacije Bosne i Hercegovine“, broj 32/09)



e) Inicijativa UO Zavod za urbanizam Tuzla i nadležnim službama u vezi mogućeg preuređenja centralnog dijela kompleksa Slana banja uz inicijativu za izradu protokola polaganja vijenaca

f) Obavještenje Službe za komunalne poslove, izgradnju i poslove MZ o razlozima prolongiranja izrade Odluke o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području grada Tuzla

g) Obavještenje JP „Tržnice i pijace“ d.o.o. za usluge i trgovinu Tuzla o razlozima prolongiranja izrade Izvještaja o radu i poslovanju za 2015. godinu

h) Urgencija za hitno saniranje vertikalne signalizacije-javne rasvjete i znakova u MZ Kreka, ulica Mitra Trifunovića Uče i Husinskih rudara (od semafora kod BKC do Guminga)

Hvala. Konstatujem da smo. Ovim zaključujem 23. redovnu sjednicu Gradskog vijeća Tuzla.

(S obzirom da je dnevni red iscrpljen predsjedavajući Gradskog vijeća Tuzla zaključio je rad sjednice Gradskog vijeća Tuzla u 12,30 sati.)

**STENOGRAM SAČINILI:**

**Senada Karabegović**

**Igor Kurcinak**

**P R E D S J E D A V A J U Ć I**

**Jozo Nišandžić, s.r.**